





采芳隨筆卷二十四

北平查 彬伯墊輯

龍鬚草一名石龍芻一名龍修一名龍華一名龍珠一名  
懸莞一名草續斷一名縉雲草一名方賓一名西王母  
簪叢生狀如粽心草及鳧茈苗直上夏月莖端生小穗  
花結細實並無枝葉可以織席賈超之山多生之太白  
句云莫捲龍鬚席從他生網絲

龍常草一名粽心草生河水旁狀如龍芻可為席似卽爾  
雅所謂薄鼠莞也

茗饒一名翹饒蔓生莖如勞豆而細葉似蒺藜而青莖葉

綠色可生食如小豆藿也陳風邛有旨苕

鷓爾雅鷓綬注小草有雜色似綬陳風邛有旨鷓疏綬草也

莫一名酸迷一名乾絳莖大如箸赤節節一葉似柳厚而長有毛刺繅以取繭緒可以為羹魏風言采其莫

蒿一名燕當大葉白華根如指白可啖爾雅云蒿蒿赤者為蒿爾雅云蒿蒿茅小雅言采其蒿

芑似苦菜莖青白色摘其葉有白汁脆可生食亦可為茹西河燕門尤美小雅薄言采芑

藟爾雅云牛藟高尺餘方莖葉長而銳有穗有花紫縹色



可淋以為飲

結縷爾雅云傅橫目一名鼓箏草細根如線相結兩童對  
銜之手鼓中央則聲如箏

蘆爾雅茵蘆注作履苴草䟽即蒯類也中作履底

搖車爾雅云柱夫搖車蔓生細葉紫華可食華翹起搖動  
俗呼翹搖車

綿馬爾雅云綿馬羊齒草細葉葉羅生而毛似羊齒江東  
呼為雁齒繅者以取繭緒

昫爾雅云昫九葉注江東有草五葉共叢生一莖俗因名  
為五葉即此類也

雞腸草爾雅云菽蔞縷今繫縷也味辛多生下濕坑渠之

側

蕒一作菑爾雅云菑蔓于一名軒于一名馬唐一名馬飯  
一名羊麻一名羊粟多生水中節節有根著土如結縷  
草堪飼馬左傳一薰一蕒十年尚猶有臭

薊葶爾雅云薊莖竊衣似芹可食子如麥兩兩相合有毛  
著人衣俗名鬼麥

祝餘出招搖山狀如韭青花食之不飢或作桂茶

條有二種出符禺山者狀如葵而赤花黃實如嬰兒舌食  
之使人不惑出石脆山者狀如韭而白花黑實食之已

疥

無條有二種出臯塗山者狀如橐莢葉如葵而赤背可以  
毒鼠出苦山者圓葉無莖赤華不實服之不癩

黃蘗出竹山狀如樗葉如麻白華赤實狀如赭浴之已疥  
已附

菁蓉出嶓冢山葉如蕙本如桔梗黑花不實食之使人無  
子

蕢草出崑崙之邱狀如葵味如蕙食之已勞

籜出甘棗山葵本杏葉黃華莢實可以已曹

榘楮出脫扈山狀如葵葉而赤華莢實如椶莢可以已癩

食之不昧

鬼草出北首山禁如葵赤莖其秀如禾服之不憂郭景純  
贊云焉得鬼草是樹是藝服之不憂樂天遺世如波滾  
舟任波流滯

榮草出鼓鐙山葉如柳本如雞卵食之已風

荀草出青要山狀如薺方莖黃華赤實本如藁本服之美  
人色郭景純贊云荀草赤實厥狀如管婦人服之練色  
易顏夏姬是豔厥媚三遷

葶藶出熊耳山狀如蘇赤華可以毒魚

薰草出浮山麻葉方莖赤華黑實臭如薜蘿佩之已癘

風條出休與山狀如著赤葉而本叢生可為籛

焉酸出鼓鐘山方莖黃華員葉而三成可為毒

葍草有二種出姑媯山者帝女所化其葉胥成其華黃其  
實如菟邱服之媚於人出秦室山者狀如茱白華黑實  
澤如蓂蓂服之不昧郭景純贊云葍草黃華實如菟絲  
君子是佩人服媚之帝女所化其理難思

嘉榮出半石山蛇山生而秀高丈餘赤葉赤華不實服之  
不霆郭景純贊云霆維天精動心駭目曷以禦之嘉榮  
是服所正者神用口腸腹

芮草出少莖山葉如葵赤莖白華實如蓂蓂食之不思郭

景純贊云茵草赤莖實如蓂真食之益智忽不自覺殆  
齊生知功竒於學

藜藿出太山葉如荻赤華可以已疽

藜草出大騶山狀如著而毛青華白實服之不夭可以為  
腹病郭景純贊云大騶之山爰有華草青華白實食之  
無夭雖不增齡可以窮老

高粱山草出高梁山狀如葵赤華莢實白柑可以走馬

雞穀出兔牀山媪山本如雞卵味酸甘食者利于人以上  
二十二條見山海經

玉紅草出崑崙墟涵水島左右食其一實醉卧三百歲見

尸子

不死草出祖洲形如菰苗長三四尺人死三日以草覆之  
即活一株可活一人服之長生或名為養神芝見十洲  
記

明莖草如金燈折為燭照見鬼物形仙人窸封嘗以此草  
為夜燈内外有光亦名洞腹草一名照魅草採以藉足  
則入水不沈見東方朔別傳

吉雲草種于九景山東二千歲一花秣馬不饑

夢草似紫色紅晝縮入地夜則出懷其葉則知夢之言由

一名懷夢草

却睡草一名五味草初生味甘花時酸食之使人不眠武帝時志多國獻此

瑤琨碧草瑤琨去玉門九萬里有碧草如麥割之釀酒味如醇酎飲一合三旬不醒但飲甜水即醒

地日草食之能不老東方朔落井泛紅泉得采食

鳳葵草色丹葉長四寸久食令人身輕肌滑赤松子餌之躡空草鳥哀國有掌中芥葉如松子取其子置掌中吹之而生一吹長一尺至三尺而止然後可移于地上若不經掌中則不生食之能空中孤立足不躡地以上七條

見洞冥記



壽榮草出少室金山服之令人不老取葉服之可通百神

見典術

虹草出背明國枝長一丈葉如車輪根大如轂花似朝虹  
之色齊桓公伐山戎國人獻其種植于庭曰霸者之瑞  
也

宵明草出背明國夜視如列燭晝則無光自消滅也

黃渠草出背明國映日如火堅韌若金食者焚身不熱

合歡草狀如蓍一株百莖晝則衆條扶踈夜則合為一莖  
萬不遺一謂之神魏明帝時有之

濡豸草出方丈山葉色如紺莖色如漆細軟可縈海人織

以為席薦卷之不盈一手舒之則列坐方國之賓

莽煌出黛輿山葉圓如荷去之十步炙人衣則焦刈之為席方冬彌溫以枝相摩則火出

芸苗草出瀛洲如菖蒲食葉則醉餌根則醒

芸蓬草出員嶠山色白如雪一枝二丈夜視有白光可以為杖以上八條見拾遺記

銅鼓草其實如瓜療瘡瘍毒見桂海虞衡志

珊瑚鞭叢生澗壑中葉深綠初秋拔莖長二三尺徧莖布小花花色殷似珊瑚更紅俗名金線海棠又名狀元鞭見黃山志

紅蓆草出海中浮鵠山此草常有紅鳥居下故名梁武帝時山中女官道士曾遣使獻紅蓆云見南史

鹹草出扶桑東千餘里有女國食鹹草如禽獸草葉如邪蒿而氣香味鹹見南史扶桑傳

睡草出桂林見之則令人睡一名醉草亦呼嬾婦箴

龍芻出東海島龍川穆天子養八駿處也馬食之一日千里古語云一株龍芻化為龍駒

蓆具草一名蓆箕一名塞路一名塞蘆生北方古詩云千里蓆具草王建蓆箕簾詩云單于不敢南牧馬蓆箕遍滿天下

相思草生秦趙間狀如石竹節節相續一名斷腸草一名

愁婦草一名霜草一名寮莎

活人草出西方日支國有八死者覆面即活

懸腸草一名思子蔓南中呼為別離草以上見述異記

護門草出常山北冥諸門上夜有人過輒叱之一名百靈

草梁王節甫句云霜被守宮槐風驚護門草

迎涼草碧色斄如苦竹葉細如杉雖枯不凋盛夏挂牕戶

間涼風自生宋章得象句云已持屏避暑更乞草迎涼

左行草使人無情范陽長貢

青草槐出龍陽縣裨牛山南叢生高尺餘仲夏發花若金

燈一本云迄千秋

野狐絲蔓生色白花微紅大如粟

望舒草出扶支國紅色葉如蓮月出則舒月沒則卷

蜜草出北天竺國蔓生大葉頭上有毛毛中生蜜秋冬不  
死因受霜露遂成蜜如塞上蓬鹽一名給勃一名羊刺

交河沙中高昌西番撒馬兒罕皆生之

老鴟瓜籬葉如牛蒡而美子熟色黑狀如瓜籬

鴨舌草生水中似蓴

銅匙草生水中葉如剪刀

水耐冬經冬在水不死成式於城南村墅池中有之

三賴草如金色生于高崖中弩射之魅藥中最切  
油點草葉似蒼蓮每葉上有黑點相對

天芋生終南山中葉如荷而厚以上十四條見酉陽雜俎  
金光草葉如芭蕉花黃光可以鑑食之化形靈元壽與天  
齊謝元卿至東岳夫人見所居異草也見廣異記太白  
句云願餐金光草壽與天齊傾

元鹿草生于名山人跡不到處烹而食之壽二千歲見道  
籊

鶴子草蔓生形如飛鶴翅羽嘴距無不畢脩南人云是媚  
草甚神可比懷子夢芝采之曝乾以代面脂有雙蟲常

食其葉土人收於奩粉間飼之不食而蛻為蝶女子佩之號為細蝶見北戶錄

醒醉草出唐興慶池葉紫心殷醉過其傍者嗅之即醒見開元天寶遺事

變晝草出拘彌國類芭蕉長三尺一莖千葉樹之百步內昏黑如夜唐順宗時常貢而焚之見杜陽雜編

金盤草生寧江巫山根一年生一節服之解毒唐王周詩云今春從南陵得草名金盤金盤有仁性生在林木端根節歲一節食之甘而酸風俗競採掇俾人防急難巴中蛇虺毒解之如走丸巨葉展六出軟幹分長竿搖搖

綠玉活裊裊香荷寒世云暑皓月鬱有神物看天之產  
於此意欲生民安今之為政者何不返此觀知彼苛且  
猛慎勿虐而殘一物苟矢所萬金惟可歎莫並蒿與菜  
豈羨芝及蘭勤渠護根本栽植富庭欄寄言好生者休  
說神仙丹

恆春草唐方士常進之梁鎰詩云東吳有靈草生彼剡溪  
傍既亂莓苔色仍連菌蔀香掇之稱遠士持以奉明王  
北闕顏彌駐南山壽更長金膏徒騁妙石髓莫矜良倘  
使沾涓滴還遊不死方

石長生一名丹草一名丹沙花紫南中多生石巖下葉似



蕨而細如龍鬚黑如光漆高尺餘不與餘草雜經冬不凋宋景文贊云色與柏類苒苒其莖冬不甚黃故謂長生樓攻媿詩云玻璃擢葉玉蟠根千里提攜寄海濱雨澤不霑仍自潤土膏無著自長春歲寒秀色鎮依舊日暖素英能一新我欲餌之求久視恐君靈已不靈人

金星草生峨眉青城山葉似萱背有點雙行相偶黃澤類金星無花實根如竹根生大木下及背陰瓦屋上冬不凋一名金釧草宋景文贊云長葉叢生背點星布高醫近識傳痘可愈

蕨蕨出契丹裏潭山行十餘日大林中枝葉有刺如箭羽

其地無草

息雞草出襄潭中水草也美而本大馬食不過十本而飽  
以上二條見五代史

千金草出廣州有大小二種并有守房郎千里迴萬里憶  
等草見寰宇記

紅茂草一名地沒藥一名長生草生施州四季枝葉皆繁  
見圖經本草

通泉草一名長生草多生古道邱壘間葉似地丁中心抽  
一莖開黃白花如雪又似麥飯摘下經年不槁根入地  
至泉俗呼禿瘡花見庚辛玉冊

鼠麴草一名米麴一名鼠耳一名佛耳草一名無心草一名香茅一名黃蒿一名茸母二月生苗莖葉柔軟葉長寸許白茸如鼠耳之毛開小黃花成穗結細子

馬鞭草一名龍牙草一名鳳頸草春生苗方莖葉似益母對生夏秋開細紫花穗如車前子如蓬蒿根白而小蛇合一名蛇銜一名威蛇一名小龍牙一名紫背龍牙一莖五葉七葉根名女青又一種藤生葉似蘿摩亦名女青

石帆生海嶼石上無葉高尺許花離樓相貫連根如漆色稍上漸軟作交羅紋人以飾作珊瑚裝

虎耳草一名石荷葉生陰濕處莖高五六寸有細毛一莖  
一葉如荷蓋大如錢似虎之耳形夏開小花淡紅色

佛甲草生筠州二月生苗成叢高四五寸脆莖細葉柔澤  
如馬齒莧尖長而小夏開黃花經霜則枯

離馬草生階庭濕處高三二寸葉似幕罨江東有之

仙人草生階庭間高二三寸葉有鴈齒似離馬謝法曹贊  
并序云余之中園有仙人草焉春穎其苗夏秀其英秋  
有貞實冬無凋色可謂貫四時而不改者也既嘉其名  
而美其質染筆作詠庶以攄述云園有佳草名曰仙人  
嗟嗟煒煒莫莫臻臻穎發炎暑苗秀和春竒爾靈質乃

植中林

宜南草生廣南山谷有莢長二尺許內有薄片似紙大小如蟬翼佩之臂上辟惡止驚

萍蓬草一名水粟一名水栗子生南方池澤三月莖大如指葉大如荇花黃未開時狀如算袋根如藕饑年可食以上十條見本草

雞足草薔藎草出五臺山見五臺志

知風草出廣東蔓生如藤土人視其節以占一歲風候每一節則一風無節則無風見一統志

扁擔草似黍葉稍窄有穗有粒多生田中可以飼馬

雜考  
嶠草似香蒲可飼馬

馬房節節相生無葉可飼馬

星星草葉如韭有穗星星故名可飼馬

黃背草層層有節細葉乾之可代茅結屋

塔子頭窪地叢生根能裹土上壅成堆如塔故名久則根

與土糾結堅不可破可雕琢為木器

水稗草葉似稗子中多汁故名可飼馬

鳳尾草葉莖如鳳尾多生山陰近水處以上八條見 盛

京通志

稠稷草生稠稷山服之長生見新津縣志

琉璃草出始興縣南玲瓏巖食之可以已風見始興縣志  
蝎子草塞外多有之高四五尺叢生葉最毒悞觸之即紅  
瘡如蝎螫馬亦不敢近惟駝能食

特勒蘇草塞外叢生聳翠挺拔經霜則變白取之組織為  
涼帽光皎異常

茅爾雅曰蘧牡茅注白茅屬䟽茅之不實者也根至潔六  
月采名茹根一名蘭根一名地筋春生芽布地如針謂  
之茅針可噉有白茅管茅黃茅香茅數種葉皆相似白  
茅短小三四月開白花成穗根軟有節味甘俗呼絲茅  
乾之夜視有光腐則為螢管茅生山上而長秋花成穗

如荻實尖黑根短硬如細竹無節微甘小雅所謂白華  
菅兮黃茅似菅而莖上開葉根頭有毛亦短硬無節秋  
深開花穗如菅可為索綯古名黃菅一作黃芒交廣有  
黃茅瘴香茅一名菁茅一名瓊茅生湖南江淮間葉大  
如蒲一莖三脊長六七尺有二種即芒也古貢之縮酒  
爾雅謂之藐廣雅謂之苾蒨孟康云靈茅揚雄曰瑀茅  
一名鴉銜草即左傳爾貢包茅不入是也又有孟爾雅  
曰孟狼尾䟽草似茅者亦以覆屋唐呂巖說靈茅賦云  
有靈茅之繁育稟堪輿之粹精間叢薄以孕彩候韶陽  
之發生與百卉而同氣擅三脊而異名糅纖條以為族



枝連茹以暈征蔓延亭臯鋪敷原陸白華霜淨翠莖雲  
沃雜春澗之長松亂寒潭之明菊不翦彰帝堯之儉緼  
袍識子騫之服若廼蒼蔚匝地低昂順風或結根於江  
漢之澳或蓄苗於嶺南之中挺芳心兮萼萼吐修葉兮  
叢叢烟霰之所蕩拂昆蟲之所繫蒙納日月之光照資  
露雨之霑融東市驗左生之術南征紀周王之功嘉化  
物之為用蓋今昔之攸同至若錫履於齊俾侯於魯頌  
容衛之所藉實禮儀之攸覩純束美夫詩人縮酒貢其  
任土宜有意於遺芳諒無替於終古茅之為物也賤尚  
見采於先王士之所貴者道豈敢昧於文章慕朝宗之

涓滴對詞林而抑揚若邦國之是賴希寄心於棟梁獨  
孤授江淮獻三脊茅賦云茅有衆靈名之為盛雖百代  
以呈質終三脊以居正每彰封禪之期如受鬼神之命  
生於古既光七十之君獻於今更表千里之聖出於淮  
向來彼江潭使馳於北星流於南捧執而有嚴有翼緘  
滕而再四再三及夫覩至尊成大國致於金華之上啟  
於瑤池之側施陳而百瑞慚容撫翫而千官變色美其  
出有常地生必舊形非成野鹿之禮寧假澄酒之馨超  
常倫而薦闕殊衆品而實庭理盡三分似叶通三之化  
體皆一類欲明得一之靈隱見之時吉蠲中禮獨標珍

草之狀悉皆兄弟之體整齊而玉匣遙傳潔淨而瓊華  
新啟應盛禮而居首表常度而為後道未格也雖有采  
而必無嶽可封焉縱不求而自有觀王者之得失知禮  
事之臧否且夫玉帛廣矣何尚於茅豈不以貴稱三脊  
重載六爻始彙征於吳楚終遍藉於陶匏奉上之時且  
報云亭之兆升中之後應知天地之交吾皇由是命太文  
詔宗伯議封山謀勒石脩文物與禮器修玉函與金策  
使聖功登於九天靈茅光於三脊使臣稽首稱萬壽以  
旋役無名氏徵包茅賦云猗彼菁茅挺生不雜縮醪醴  
以致潔與清明而相合荆人是識將有體其精誠王澤

不流遂無聞於賦納故小白仗義夾輔衰周言念彤弓  
元矢寔征九伯五侯惟苞茅之有闕乃伊人之所羞爾  
貢或愆於先職王祭誠非於異求有命是遵雖云我疆  
理無思不服孰云風馬牛於是戒徒無譁命衆以律顧  
爾心之有二諒我得之惟一楚子承擯以請罪夷吾將  
事而靡失陳師鞠旅見旌旆之翩翩伏軾致辭想德音  
之秩秩且曰祭有百籩縮酒為先類生芻而比潔同有  
蕝以告虔職貢斯已爾則不共于命馨香罔薦我將謫  
見于天豈可狃爾車徒恃乃封守慢上則君臣異等黷  
兵則齊楚非偶議乎品列我則齒兄弟之二三揆以疆

場我則吞蠻荆之八九是以來求獻捷豈敢定居如憂  
連茹而亡禍之大者乃將任士作貢禮可忽諸於以止  
戈寰區折衝醜孽侔潔白於染醜肅君臣於上下太壇  
之禮成彼菁菁者茅問罪之師罔倦悠悠於野然彼率  
職四方用賓於王信耀德於干祀豈矜功于一匡異魯  
隱觀魚以犯憲笑晉文將狩以亂常曷若返行葦之積  
德遵方物之舊章美哉無私之舉也將歷代而彌光李  
巨川詩云楚甸供王日衡陽入貢年鹿包青野外鷓鴣  
綺楹前堯帝成茨罷殷湯祭雨旋方期大君錫不懼小  
巫捐唐球句云風動茅花月滿壇薛子與句云風茅向

暖抽書帶宋陸放翁句云茅葉翻翻帶宿雨

蓬爾雅翳彫蓬薦黍蓬蓬蒿也草之不理者種類非一末

大於本遇風輒拔而旋召南彼茁者蓬衛風首如飛蓬  
內則桑弧蓬矢䟽是禦亂之草儒行蓬戶甕牖管子無  
儀法程式蜚搖而無所定謂之蜚蓬之問家語蓬生麻  
中不扶自直宋書上古聖人見轉蓬始為輪步里客談  
蓬花枝葉相屬團團在地遇風即轉故云轉蓬條陽山  
有神蓬長十丈唐蔣防轉蓬賦云彼茁者蓬其生萃萼  
因驚風之動地遂離根而去本委順而往異愚夫之守  
株任運則行叶高人之嘉遯摧弱質絕陳根始遲遲而

徐轉俄忽忽而駿奔體以圓而疾質以弱而存凌寒後  
凋雖有慚於松柏近秋俱敗亦無愧于蘭蓀時也玉露  
為霜金風應律歎芳菲而難久覩搖落之不一初宛轉  
以孤翻漸邈迤而連出度平野而暫見映層臯而還失  
徘徊未已同風葉之辭枝漂蕩不停甚水萍之委質若  
乃慘澹雲晚悠揚日短歲云秋矣莖弱者先衰風以動  
之根危者易斷徒觀其委地離披縈吹參差既忘懷於  
近遠寧繫迹於高卑觸物何情類虛舟而自汎善行無  
迹於野馬而相隨豈不以生無固蒂轉有長風象車輪  
未始有極如循環莫知所終遊子感而忘歸歎飄居陌

上小人見而懷土憶生在麻中矧夫依物暫停遇風復  
舉乍飄揚以厯亂或迴旋而容與青蘋之末不起聊可  
以躊躇黃埃之中自飛莫知其處所客有因時結念寓  
物屬詞觀其哀兮懼老將至矣覩其轉也嗟行靡不知  
撫懷抱起心有之誠驚髣髴增首如之悲儻陽春之可  
待亦何恨飄飄於此時魏曹子建詩云轉蓬離本根飄  
飄隨長風何意回飈舉吹我入雲中高高上無極天路  
安可窮類此遊客子捐軀遠從戎毛褐不掩形薇藿常  
不充去去莫復道沈憂令人老晉司馬紹統詩云百草  
應節生含氣有深淺秋蓬獨何辜飄飄隨風轉長飈一



飛蕩吹我之四遠搔首望故株邈然無由返唐王績詠  
秋蓬示辛學士云遇坎聊知止逢風或未歸孤根何處  
斷輕葉強能飛辛學士答云託根雖異所飄葉早相依  
因風若有便更共入雲飛少陵句云孤蓬轉霜根



甘草古作昔一名國老一名靈通一名美草一名蜜草一名蜜甘一名落草春生青苗高三四尺枝葉悉如槐端微尖似有白毛七月開紫花冬結實作角根長三四尺以堅實斷理者為佳謂之粉草為衆藥之主故有國老之號爾雅所云肅大苦注謂甘草非乃黃藥也西土大者如桂宋梅聖俞司馬君實遺甘草杖云美草將為杖孤生馬嶺危難從荷篠叟寧入化龍陂去與秦人採來扶楚客衰藥中稱國老我懶豈能醫

黃耆耆長也作芪耆非色黃為百藥之長一名芟草一名蜀脂一名百本一名獨椹一名戴椹一名戴糝葉作羊

齒狀似槐而微尖青白色開黃紫花大如槐結小尖角  
有綿黃耆白水耆赤水耆木耆等名金王特起句云但  
說今年秋雨多黃芪滿谷無人采

朮一作朮山之精也有兩種一種白朮爾雅云揚枹薊今  
人謂之吳朮一名天薊一名山薑一名山芥一名山連  
一名馬薊西域謂之乞力伽為九餌之長生生山上葉  
葉相對上有毛方莖花淡紫碧紅數色根作極以大塊  
紫花為勝有浙朮俗名雲頭朮潛山號獅子朮歙朮俗  
名狗頭朮一種蒼朮爾雅云朮山薊一名山精一名仙  
朮一名赤朮苗高二三尺葉抱莖而生似棠梨葉腳下

葉有三五义有小刺根如老薑蒼黑色以茅山嵩山為  
佳梁庾肩吾荅陶隐居賚木煎啓云竊以綠葉抽條生  
於首峰之側紫花標色出自鄭巖之下百邪外禦六府  
內充山精見書華神在錄木熒火謝盡采擷之難啓旦  
移申窮淋漓之劑故能競爽雲珠爭竒冰玉自非身疲  
掌硯役僂攀桃豈可立致還年坐生羽翼臨洮丹井方  
覺可捐鄜縣菊泉無勞復汲庶得遨遊海岬追涓子之  
塵馳騫霍山共陳生為佻謠俗輕施尚曰難酬出世鴻  
恩寧知上報唐柳子厚種术云守閑事服餌採不東山  
阿東山幽且阻疲蕭煩經過戒徒劓靈根封植闔天和

違爾澗底石徹我庭中莎土膏滋元液松露墜繁柯東  
南自成畝繚繞紛相羅晨步佳色媚夜眠幽氣多離憂  
苟可怡孰能知其他爨竹茹芳葉寧慮瘵與瘡留連樹  
蕙辭婉婉采薇歌悟拙甘自足激清愧同波單豹且理  
內高門復如何宋梅聖俞採白朮云吳山霧露清羣草  
多秀發白朮結靈根持鋤採秋月歸來濯寒澗香氣流  
不歇夜火煮石泉朝烟編巖窟千歲扶玉顏終年固元  
髮曾非首陽人敢慕食薇蕨范石湖次韻謝施進之惠  
紫芝朮云山精媒長生仙理信可詰黎棗本寓言杞菊  
亦凡質幽人愛矍儒藥鼎薦珍物絕粒謝烟火耘苗換

肌骨摩挲菜蕪甑塵生不須拂張文潛句云南畝稻梁  
仍歲熟舊山芝朮入秋肥高似孫句云一筋朮絲仙有  
分依然只作秘書香明邵國賢以蜜朮問南沙云醫家  
白朮重天台郡守曾將蜜浸來嚼罷不知香滿室桃花  
流水夢瑤臺

沙參一名羊乳一名羊婆奶一名苦心與知母同名一名  
文希一名識美一名白參一名鈴兒草一名志取色白  
味淡宜種沙地二月生苗葉如初生小葵葉而圓扁不  
光如枸杞而有細齒莖高一二尺秋開小紫花如鈴五  
出亦有白花者結實如冬青根長尺餘能補陰而制陽

丹參一名赤參一名山參一名郝蟬草一名木羊乳一名  
逐馬一名奔馬草因其治風軟脚可及奔馬也二月生  
苗高尺許方莖有稜青色一枝五葉相對如薄荷有毛  
三月至九月開花紅紫似蘓花成穗如蛾形中有細子  
根大如拍血中要藥

苦參一名苦識與蔬部同名異物一名苦骨一名地槐一  
名水槐一名菟槐一名野槐一名白莖別錄又名苓莖  
綠白陵郎虎麻苦以味名參以功名槐以葉形名也根  
黃長五七寸苗高三四尺葉碎青色春生冬凋花黃白  
色七月結實如小豆子苦參潔齒其氣傷腎使人腰重



紫參一名五鳥花五葩連萼如飛禽羽舉故又名如鳥花  
一名牡蒙與王孫同名一名童腸一名馬行一名衆戎  
苗長一二尺莖青細葉青似槐亦有似羊蹄者五月開  
花白色亦有紅紫而似水荳者根淡紫黑色唐錢仲文  
歌云遠公林下滿青苔春藥偏宜間石開往往幽人尋  
不見時時仙蝶隔雲來陰陽雕刻花如鳥對鳳連雞一  
何小春風宛轉虎溪傍紫翼紅翹翻霽光貝葉經前無  
住色蓮花會裏暫留香蓬山才子憐幽性白雪陽春動  
新詠應知仙卉老烟霞莫賞天桃滿蹊逕

薺芩爾雅云芩蓆芩一名杏參一名杏葉沙參一名芩芩

俗名甜桔梗一名白麩根苗名隱忍高一二尺莖青白  
葉似杏而微尖背白邊叉牙開五瓣白盃子花亦有開  
碧花者根如野葫蘿蔔頗肥可食甘而解毒藥中良品  
能亂人參

桔梗一名梗草一名白藥一名利如一名符扈一名房圖  
亦名薺芘而味苦有心者桔梗無心者薺芘春生苗莖  
高尺餘葉似杏而長夏開小花紫碧色類牽牛秋結子  
八月採根為藥中舟楫有承載之功

仙茅一名獨茅一名茅瓜子一名婆羅門參梵音呼為河  
輪勒陀葉青如茅而軟面有縱紋似初生椶櫚秧高尺

許夏開小黃花六出不結實根獨莖直大如小指衡山  
出者開碧花久服輕身可長生體壯火盛者不宜服范  
石湖玉虛觀去宜春二十五里許君上昇時飛白茅數  
葉以賜王長史王以宅為觀觀旁至今有仙茅極異常  
草備五味尤辛辣云久食可仙道士煮湯以設客云白  
雲堆裏白茅飛香味芳辛勝五芝揉葉煮泉摩腹去全  
勝石髓畏風吹

長松亦名仙茅功與松脂仙茅等生古松下根如薺危長  
三五寸味甘微苦類人參清香可愛補益長年東坡謝  
王澤州寄長松兼簡張天覺云莫道長松浪得名能教

覆額兩眉青便將徑寸同千尺知有竒功似茯苓憑君  
說與埋輪使速寄長松作解嘲無復青黏和漆葉枉將  
鍾乳敵仙茅山谷鷓鴣天詞云湯泛冰蘂一坐春長松  
林下得靈根吉祥老子親拈出箇箇教成百歲人燈燭  
燭酒醺醺壑源曾未破醒魂與君更把長生盃略為清  
歌駐白雲

黃精一名黃芝一名玉芝草一名戊己芝一名兔竹一名  
鹿竹一名龍銜一名雞格一名米舖一名重樓一名野  
生薑一名救窮草亦作救荒草一名仙人餘糧一名日  
及一名苟格一名馬箭一名垂珠亦名歲蕤三月生苗

高一二尺葉如竹而短兩兩相對嫩苗采為茹名筆管  
菜莖梗柔脆似桃枝本黃末赤四月開青白花如小豆  
花子白如黍米根如嫩生薑大者如拳小者如指太陽  
之草也與鉤吻似鉤吻太陰之草也得土之冲氣秉季  
春之令久服輕身延年不饑鹿兔俱喜食悟得雜佩顧  
况紀秦時建阿房采木者偶食黃精天蒜不覺竦身飛  
上就山下人家栽詩云酒盡君莫沽壺傾我當發城市  
多囂塵還山弄明月宋鮑明遠詩云土肪闕中經不芝  
韜內策寶餌緩童年命藥駐衰厯矧蓄終古情重拾烟  
霧迹羊角樓斷雲榼口流溢石銅谿晝深沉乳竇夜涓

滴既類風門磴復像天井壁蹠蹠寒葉離濛濛秋水積  
松色隨野深月露依草白空守江海思豈懷梁鄭客得  
仁古無怨順道今何惜唐杜少陵句云三春劓黃精一  
餐生毛羽又句云掃除白髮黃精在君看他年冰雪容  
韋蘇州詩云靈藥出西山服食採其根九蒸換凡骨經  
著上世言候火起中夜馨香滿南軒齋居感衆靈藥術  
啓妙門自懷物外心豈與俗士論終期脫印綬永與天  
壤存樂天句云丹竈燒烟煨黃精花丰茸張文昌詩云  
愛君紫閣峰前好新作書堂藥竈成見欲移居相近佳  
有田多與種黃精宋蘓東坡句云聞道黃精草叢生綠

玉笈韓持國答象之謝惠黃精之什云仙經著靈藥茲  
品上不刊服之歲月久衰羸反童顏巖居有幽子乘時  
劬蒼山溪泉濯之潔秋陽暴而乾九蒸達晨夜候火不  
敢安持之落城市誰復著眼看富貴異所嗜口腹窮甘  
酸貧賤固不暇錐刀乃其干坐使至靈物委棄同草菅  
惟君冲曠士敦然守高閑食之易為力天和中自完故  
以此為餽其容幾一簞報我三百言浩浩馳波瀾何以  
諭珍重如獲不死丹方當煩煥時把玩毛骨寒他年靈  
氣成與子驂雙鸞朱少章蘇子翼送黃精酒云仙經何  
物堪却老較功無如太陽草龍銜雞銜名雖異兔公羊

公事可考蘇君真是神仙裔福井陰功貫穹昊雲笈書  
成數萬言銀闕珠官用心早獨知此物有竒效福地名  
山為儲寶不憚林泉新劬掘斥去朽白謝篩擣况從高  
士論麩糜更課公田收秫稻一朝靈液浮瓮盎三冬浩  
氣生襟抱且欣輒飽得澆腸漫說逆流上補腦眼碧那  
憂散黑花髮白故應還翠葆賈傅只嫌松醪陋劉墮敢  
誇桑落好直須五斗論解醒寧待三杯乃通道誰知萬  
里落旄人亦許匏尊自傾倒為君喚迴雪窖春八載羈  
愁供一掃

黃獨一名土芋根惟一顆而色黃故名少陵句云黃獨無



苗山雪盛近時杭董浦詩云白髮誰能更變元感君黃  
獨慰衰顛採從玉室金堂地餘自青霞碧露天鴉背不  
須尋杞實龜牀相約養椿年太清草木方猶在欲問華  
陽洞裏仙

葳蕤爾雅云葳委萎一名麗草一名女草亦呼娃草一名  
女萎一名萎蕤一名葳綬一名萎蕤一名萎香一名玉  
竹一名地節又有烏女蟲蟬馬薰等名莖幹強直如竹  
箭幹有節葉狹而長表曰裏青類黃精而多鬚大如指  
長一二尺三月開青花結圓實可代參耆瑞應圖云禮  
備至則生一曰王者愛人命則生韓昌黎句云葳蕤綴

藍瑛

肉蓯蓉一名肉松容一名黑司命三四月掘根長尺餘取中央三四寸用性補而不峻故名金蓮根易亂之

列當一名草蓯蓉一名花蓯蓉一名粟當四月採功劣於

肉蓯蓉

鎖陽形如筍鱗甲櫛比筋脉連絡可代蓯蓉

狗脊一名強脊一名扶筋又作扶蓋悞一名百枝作草薺

悞一名狗青苗高一尺無花莖葉似貫衆根黑多岐脊

骨大有兩指許肉青綠又有一種金黃毛如狗形葉花

兩兩相對皆入藥強肝腎

貫衆爾雅灤貫衆廣雅云貫節一名貫渠一名百頭一名  
虎卷一名篇苻一名伯萍一名藥藻一名黑狗脊一名  
鳳尾草亦謂鳴頭葉圓銳似雞翎莖幹三稜毛黑布地  
冬不死四月開白花七月實味苦寒

巴戟天一名不凋草一名三蔓草根如牡丹而細葉似茗  
冬不枯以紫色為良性溫山葎根易亂之

遠志爾雅云蔓繞棘菀能益智強志故名其苗名小草一  
名細草一名醒心杖根如蒿黃色苗似麻黃而青三月  
開白花泗州花紅

百脉根似首蓓花黃根如遠志一作柏脉根味苦寒

杜仲廣雅云曼榆一名思仲一名思仙一名木棉一名綿  
樹高數丈葉類柘又似辛夷初生嫩葉謂之綿牙花實  
名逐折木可作屐蓋脚皮如厚朴而多白絲甘溫能補  
淫羊藿一名仙靈脾一作毗一名放杖草一名棄杖草一  
名千兩金一名剛前言其功也一名乾雞筋一名黃連  
祖一名三枝九葉草言其形也一根數莖粗如線高一  
二尺一莖二桠一桠三葉似杏根紫有鬚四月開白花  
亦有紫花碎小獨頭子羊常食之故名唐柳子厚詩云  
窮陋闕自養癘氣劇囂煩隆冬乏霜霰日夕南風溫杖  
藜下庭際曳踵不及門門有野田吏慰我飄零魂乃言

有靈藥近在湘西原服之不盈旬瘳躋皆騰騫笑抃前  
即吏為我擢其根蔚蔚遂充庭英翹忽已繁晨起自採  
曝杵臼通夜喧靈和理內藏攻疾貴自源擁覆逃積霧  
伸舒委餘暄竒功苟可徵寧復資蘭蓀我聞疇人術一  
氣中夜存能令深深息呼吸還歸跟踈放固難效且以  
藥餌論痿者不忘起窮者寧復言神哉輔吾足幸及兒  
女奔

地黃爾雅云芩地黃一名地髓一名芑一名牛奶子一名  
婆婆奶二月生莖有細短白毛葉布地深青色似小芥  
上有皺文毛漚其旁葉作菜甚益人開小筒子花有斑

點紅紫色亦有黃者根入土即生鮮用則寒乾用則涼  
熟用養血生者以水浸之沉者為地黃半沉者為人黃  
浮者為天黃雉被鷹傷點之則愈唐白樂天詩云麥死  
春不雨禾損秋早霜歲晏無口食田中采地黃采之將  
何用持以易餽糧凌晨荷鋤去薄暮不盈筐攜來朱門  
家賣與白面郎與君啖肥馬可使照地光願易馬殘粟  
救此苦飢腸宋蘇東坡小圃地黃云地黃飼老馬可使  
光鑑人吾聞樂天語喻馬施之身我哀正伏櫪垂耳氣  
不振移栽附沃壤蕃茂爭新春沉水得稗根重湯養陳  
薪投以東阿清和以北海醇崖蜜助甘冷山薑發芳辛

融為寒食餠噉作瑞露珍丹田自宿火渴肺還生津願  
餉內熱子一洗精中塵放翁詩云有客餉珍草發奩驚  
絕竒正爾取嚼齧炮製不暇施異香透崑崙清水生玉  
池至味不可名何止甘如飴兒穉喜語翁雪頷生黑絲  
老病失所在便欲棄杖馳晨雞喚夢覺齒頰餘甘滋寄  
聲山中友安用求金芝

何首烏本名交藤因何首烏服而得名一名交莖一名夜  
合一名地精一名赤葛一名瘡帚一名紅內消一名九  
真藤一名桃柳藤一名馬肝石一名陳知白一名野苗  
春生苗蔓延竹木牆壁間莖紫葉葉相對如薯蕷夏秋

開黃白花結子有稜秋冬取根有赤白二種赤者雄白者雌無名氏贊云神效勝道著在仙書雌雄相交夜合晝䟽服之去穀日居月諸返老還少變安病軀有緣者遇勗爾自如宋梅聖俞句云試採上陽何首烏刮切仍致苦竹刀文與可寄何首烏丸與友人云此草有竒効嘗聞於習之陵陽亦舊產其地尤所宜翠蔓走巖壁芳叢蔚參差下有根如拳赤白相雄雌剝之高秋後氣味乃不虧斷以苦竹刀蒸曝凡丸為夾羅下香屑石蜜相和治入臼杵萬過盈盤走纍纍日進豈厭屢初若無所滋漸久覺膚革鮮潤如凝脂既已鬚髮換白者無一絲



耳目固聰明步履欲走馳十年親友別忽見皆生疑問  
胡得爾術容貌曾莫衰為之講靈苗不為世俗知蓋以  
多見賤蓬藿同一虧君如聽予服此語不敢欺勿信柳  
子厚但誇仙靈毗

牛膝一名牛脛一名百倍一名山莧菜一名對節菜苗高  
二三尺方莖麤節葉對生似莧而長失秋開花作穗莖  
節似牛膝故名能補中續絕益精利陰氣填骨髓滋補  
之功如牛之多力故又名百倍

續斷一名屬折一名接骨一名龍豆一名南草三月後生  
苗榦四稜葉兩兩相對四月開花紅白色似益母根如

大薊即馬薊也與小薊相似性微溫久服益氣力

益母草爾雅云萑薹埤雅謂之蔚吳王風中谷有雅一名  
芄蔚一名貞蔚一名益明一名上質汙一名野天麻一  
名火炊一名猪麻一名苦低草一名夏枯草一名鬱臭  
草苗如嫩蒿入夏長三四尺莖方葉青如艾葉一梗三  
葉有尖岐寸許一節節間開花紅紫色子如蒿子草生  
時有臭氣夏至後即枯味甘有助陰之功宜婦人根莖  
花葉專于行子則行中有補又有鑿菜似益母開白花  
主血病

石斛一名石遂一名金釵一名禁生一名林蘭一名杜蘭

有二種一似大麥性冷名麥斛一莖大如雀名雀斛斛  
如竹節間生葉楊升菴句云滿城幾日黃梅雨開遍金  
釵石斛花

五味子爾雅云味莖藟一名會及一名元及春生苗引赤  
蔓於高木葉尖圓似杏三四月開黃白花類蓮花狀七  
月實叢生莖端如豌豆生青熟紅紫子有五味五行之  
精也能收耗散之氣淮南公羨門子服之十六年面色  
似玉入水不濡入火不灼

天門冬爾雅藟藟冬又云髦顛棘一名滿冬一名天棘  
一名地門冬一名筵門冬一名萬歲藤一名顛勒一名

浣草又名婆羅樹亦名百部藤蔓大如釵高至丈餘葉  
如茴香尖細而滑莖有逆刺夏開白花亦有黃紫者秋  
結黑子根一科數十枚圓實而長肉白清金降火久服  
駐顏梁簡文帝啓云逮自星橋見珍玉壘本草稱其輕  
身延壽實為上藥姬晉之重丹桂曹丕之愛落英一蒙  
恩錫竊幸往代唐杜少陵句云天棘蔓青絲宋朱子詩  
云高蘿引蔓長插援垂碧絲西牕夜來雨無人領幽姿  
款冬即爾雅云菟奚顛凍一名橐吾一名虎鬚一名款凍  
一名氏冬一名鑽凍根紫色生水中似葵而大花似大  
菊十二月開紫赤色花生根下去土一二寸花莖通直

而肥實無子葉如荷而斗直大者容一升小者容數合  
俗呼蜂斗葉又名水斗葉佛經朱炎鑠石不靡蕭邱之  
木凝冰慘慄不凋欵冬之花唐詩僧房逢著欵冬花正  
十二街頭春雪時也晉郭景純贊云吹萬不同陽煦陰  
蒸欵冬之生擢靚堅冰物體所安焉知渙凝傳長虞賦  
云惟茲竒卉欵冬而生原厥物之載育稟淳粹之至精  
用能託體固陰利此堅貞惡朱紫之相奪患居衆之易  
傾在萬物之並作故韜華而弗逞逮皆死以枯槁獨保  
質而今形華艷春暉既麗且殊以堅冰為膏壤吸霜雪  
以自濡非天然之真貴曷能彌寒暑而不渝

百部一名野天門冬一名婆娑草蔓生葉大而尖似竹莖

青嫩時可煮食根數十相連如天門冬而苦能殺蟲

地榆一名玉豉一名玉札一名酸赭蘄州呼為酸棗宿根

春生苗布地獨莖直上高三四尺對分出葉似榆有鋸

齒七月開花如椹子紫黑色根外黑裏紅味苦此草霧

而不濡太陽氣盛也補腦明目尹公度聞孟綽子董子

固共相與言曰寧得一斤地榆安用明月寶珠

天麻一名赤箭芝一名獨搖芝一名定風草一名離母一

名合離草一名神草亦名鬼督郵根如天門冬葉似芍

藥而小中抽莖直上如箭四月開花赤色莖端結實若

續隨子至夏不落透虛入莖中潛生土內名還筒子皮  
名龍皮此草下根如芋魁有遊子十二枚周環之以倣  
十二辰去大魁數尺皆有紉根以氣相屬故有離母之  
名服之延年樂天句云赤箭一甌湯

使君子俗傳潘州郭使君療小兒用此故名一名留求子  
其莖作藤生如手指大如葛繞樹而上葉青如五加五  
月開五瓣花一簇一二十葩初淡紅久乃深紅色輕盈  
如海棠作架植之蔓延若錦實長寸許仁如榧子朱無  
名氏使君子花詩云竹籬茅舍趁溪斜白白紅紅墻外  
花浪得佳名使君子初無君子到君家

三孫一名牡蒙一名黃孫一名黃昏一名旱藕齊名長孫  
又名海孫吳名白功草又名蔓延赤文整延相當葉似  
及已而大根長尺餘皮肉皆紫葉生頂上似紫河卓出  
終南山餌之延年

白頭翁一名野丈人一名胡王使者一名奈何草正月生  
苗叢生似白薇而柔細葉生莖頭如杏葉上有細白毛  
而不滑澤近根有白茸根紫其苗有風則靜無風而搖  
與赤箭獨活同味苦溫可升可降太白詩云醉入田家  
去行歌荒野中如何青草裏亦有白頭翁折取對明鏡  
宛將衰鬢同微芳似相誚留恨向春風



三七一名山漆一名金不換春生苗高三四尺葉似菊艾而勁厚左三右四故名夏秋開黃花蕊如金絲而氣不香花乾成絮根如老醬能治金瘡并一切血病

知母爾雅云蓐莖藩一名蜨母一作蜺又作芪一名連母一名貨母一名地參一名水參一名水須一名水浚一名苦心一名兒草一名兒踵草一名女雷一名女理一名鹿列一名韭逢一名東根一名野蓼一名昌支形似葛蒲而柔潤葉至難死四月開青花如韭花八月實能瀉火滋陰

黃蘗俗作黃柏一名蘗木根名檀桓樹高數丈葉似吳茱

本草綱目卷之四 卷之四 三十四  
黃連冬不凋皮外白裏深黃性苦寒瀉火補腎其用有  
六古人寫書皆用黃紙以藥染之所以辟蠹故曰黃卷  
小蘗一名子蘗一名山石榴其樹枝葉與石榴無別但花  
異子細黑圓如牛李子其皮外白裏黃味苦大寒殺蟲  
黃連一名王連一名支連苗高尺許叢生一莖三葉葉似  
甘菊凌冬不凋四月開黃花六月實一種根麤無毛有  
珠如鷹雞爪深黃堅實一種無珠多毛淡黃色而中虛  
味苦瀉心火梁江淹頌云黃連上草丹砂之次禦孽辟  
妖長靈夕視驂龍行天馴鳳匝地鴻飛以儀順道則利  
宋王微贊云黃連味苦左右相因斷涼滌暑闡命輕身

縉雲昔御飛蹕上是不行而至吾聞其人東坡句云蜂  
鬧黃連采蜜花明吳原博詩云花細山桂然階下不堪  
嗅野人劬其根根長節應九苦節不可貞服食可資毒  
其功利于病有客嫌苦口戒予勿種茲味苦和難受豈  
不見甘草百藥無不有僧智舷詩云黃山有黃連甘美  
類蘋果不是性味移頭陀能忘苦

胡黃連梵名割孤露澤初生似蘆苗若夏枯草根頭似烏  
嘴心黑外黃折之內似鸚鵡眼塵出如煙者良性味功  
用似黃連

黃芩一作荃一名經芩一名空腸一名內虛一名黃文一

名印頭一名苦督郵內實者名子苓一名條苓一名狔尾苓一名鼠尾苓破者名宿苓內黑故又名腐腸一名妬婦苗長尺餘莖粗如筋葉從地四面作業生色青兩兩相對六月開紫花味微苦能瀉火磨之寫字在紙上以水沈紙則字畫脫在水面

大黃一名黃良一名將軍一名火參一名膚如二月卷生其葉四面相當莖高三尺許三月花黃五月實黑有土番大黃牛舌大黃等種能蕩滌腸胃宋景文贊云葉大莖赤根若巨皿治疾則多方家所詔范石湖詩云大芋高荷半畝陰玉英危綴碧瑤簪誰知一葉蓮花面中有

將軍劍戟心

商陸爾雅云逐莠一作蕩音逐湯馬尾一名當陸一名章柳一名

章陸一名烏椹一名六甲父母一名白昌一名夜呼春

生高三四尺青葉如牛舌莖青赤柔脆夏秋開紅紫花

根如蘿蔔味辛瀉水即易莧陸夬夬也

狼毒似商陸大黃莖葉有毛味辛有毒破積聚朽者可消

防葵

防葵一名房苑一名黎蓋一名利茹又名爵離方蓋農果

葉似葵每莖三葉一本十數莖中發一幹其端六月開

白花如葱根似防風香味亦如之故名辛寒無毒

狼牙一名牙子一名狼齒一名狼子一名犬牙一名抱牙  
一名支蘭苗似蛇莓而厚大深綠色根黑若獸牙苦寒  
有毒

蔞茹本作蘆藜一名離婁一名掘据一作拮据二月生苗  
葉似大戟三月花淺紅淡黃色根如蘿蔔皮赤汁黑入  
有草蔞茹色白辛寒微毒

大戟爾雅云蕎邛鉅一名下馬仙利人甚速故名春生紅  
芽叢高三四尺葉似柳三四月開黃紫花根似細芒參  
苦寒利水

澤漆一名貓兒眼睛草一名漆莖一名綠葉綠花草一名

五鳳草一科分枝成叢柔莖如馬齒莧綠葉如苜蓿葉  
圓而黃綠頗似貓睛莖頭凡五葉中分中抽小莖五枝  
每枝開細花青綠色復有小葉承之齊整如一微寒無  
毒

連翹一名連茗又名連草一名蘭華一名折根一名軹一  
名三廉即爾雅云連異翹也花黃莖赤高三四尺結實  
似蓮內作房瓣楊夢山詩云前年視我山中病落日獨  
騎驄馬來常記任家亭子上連翹花發共銜杯

甘遂一名甘藁一名陵藁一名陵澤一名甘澤一名重澤  
一名苦澤一名白澤一名主田一名鬼醜苗似澤漆莖

短小葉有汁根皮赤作連珠大如指苦寒瀉水

秦艽一名秦紉一名秦瓜一作秦膠根黃色而相交糾長尺許枝高五六寸葉莖梗俱青色如蒿苳六月開紫花似葛苦平治寒熱

柴胡一作茈古柴字一名地薰一名芸蒿一名山菜一名茹草嫩則可茹老則為柴二月苗甚香莖青紫堅硬葉似竹亦有似斜蒿麥門冬者七月黃花根淡赤色以似竹似韭葉者為勝出銀州者為最治時疾

前胡唐韻作湔胡春生苗青白色甚香似邪蒿芸蒿亦似柴胡七月白花根青紫色以出北地者為上微寒散風



邪

防風一名屏風一名回芸一名回草一名銅芸一名蔞根  
一名百枝一名百蜚莖葉俱青綠色嫩時紅紫色甘香  
可茹呼為珊瑚菜五月開細白花中心攢聚作大房似  
蒟蘿根與蜀葵相類氣溫治三十六種風

獨活一名羌活一名羌青一名獨搖草一名護羌使者一  
名胡王使者一名長生草春生苗葉如青麻六月開花  
作叢或黃或紫葉黃者生夾石山葉青者生土脉西蜀  
者黃色香如蜜作塊為獨活隴西者紫色節密為羌活  
氣平治風寒

麻黃一名龍沙一名卑相一名卑鹽春生苗五月長一尺  
莖端開花小而黃簇根色赤黃有雌雄二種性辛熱而  
輕揚發表過用洩真氣

防己一名解離一名石解莖梗甚嫩苗葉小類牽牛折其  
莖吹之如木通味辛治風寒如險健人能為亂階善用  
之亦能禦敵故名

威靈仙初生作蔓莖如釵股七月花六出淺紫或碧白色  
作穗似蒲臺子亦有似菊花頭者根每年旁引年深轉  
茂少鬚長者二尺氣溫治諸風其性猛其功神

升麻一名周麻一名周升麻一名牧靡草苗高三尺葉似

麻青色四五月花白似粟穗根如蒿多鬚微寒解百毒  
去風邪

土當歸長尺許皮黑肉白氣香用充獨活味辛除風和血  
都管草似羌活一莖六葉歲長一節苗高尺許葉似土當  
歸有重臺又名香球秋結紅實其根洗風毒

白鮮一名白羶一名白羊鮮一名地羊鮮一名金雀兒  
苗尺餘莖青梢白如槐四月開淡紫花似小蜀葵根似  
小蔓可為菜性苦寒治風熱

白芨一名連及一名甘根一名白給金光明經謂之罔達  
羅喝悉多采根用三四月開白花五瓣瓣中有包白質

紫點內吐黃鬚漁洋句云西風盡日濛濛雨開遍空山  
白芨花

延胡索一名元胡索春生苗葉如竹根叢生如芋氣溫治  
血症諸病活血化氣第一品藥

天南星一名虎掌一名虎膏一名鬼蒟蒻別名半夏精小  
者名由跋初生根如豆大漸長大如半夏而扁年久根  
圓及寸大如雞卵周匝生圓牙三四月苗高尺餘獨莖  
葉如瓜五六出花微青褐色亦有黃色實如麻子自落  
布地一子生一窠氣溫利水除濕又有虎掌草面青背  
紫四畔有牙三四葉為一本冬青不結花實治寒熱積

氣

半夏一名水玉一名守田一名地文一名和姑小者名羊  
眼二月生苗一莖三葉淺綠色似竹白花味辛消痰治  
嗽唐王仲初寄劉蕢問疾云年少病多應為酒誰家將  
息過今春賒來半夏重薰盡投著山中舊主人宋孔經  
父常父寄半夏云齊州多半夏採自鵲山陽纍纍圓且  
白千里遠寄將新婦初解包諸子喜若狂皆云已法製  
無滑可以嘗大兒強占據端坐斥四旁次女出其腋一  
攫已半亡小兒作蟹行乳媪代與攘分頭各咀嚼方愛  
有所忘須臾被辛螫棄餘不復藏競以手捫舌啼噪滿

中堂父至笑且驚亟使啖以薑中宵方稍定久此燈燭  
光大鈞播萬物不擇窟與良虎掌出深谷鳶頭蔽高岡  
春草善殺魚野葛挽人腸各以類自蕃敢問孰主張水  
玉名雖佳神農錄之方其外則皎潔其中慕堅剛柰何  
蘊毒性入口有所傷老兄好服食似此亦可防急難我  
輩事感惕成此章

葇蕒一名蕪頭一名鬼芋一名鬼頭春生苗至五月移之  
長一二尺與南星相似但多斑點味辛寒治癰毒又有  
菩薩草凌冬不凋秋冬有花如蕪頭味苦治諸毒  
貝母爾雅云蔕貝母一名勤母一名苦菜一名苦花一名

空草一名藥實二月生苗莖細青色葉似蕎麥七八月  
花碧綠色形如鼓子根有瓣子黃白色味辛散鬱治嗽  
鄔風言采其蟲是也有獨顆圓不作兩瓣無皺者號曰  
丹龍精不入藥先叔祖榕巢公貝母花云滿目晴雲散  
水涯向陽坡草漸生芽春風幾日薰人暝山澤齊芳貝  
母花

紫菀一名青菀一名紫葍一名茈菀一名還魂草一名夜  
牽牛三月布地生苗夏花黃白紫數種結黑子根柔細  
肺病要藥又有相類白如練色者名羊鬚草宜辨又有  
女菀一名白菀一名茆一名女復一名織女菀功與紫

苑同紫苑入太陰血分白苑入太陰氣分也

石蒜一名烏蒜一名老鴉蒜一名蒜頭草一名漣漣酸一名一枝箭一名水麻春初生葉如蒜秧背有劍脊四散布地七月枯于平地抽出一莖如箭長尺許莖端開花四五朶六出紅色如山丹黃蕊紅鬚根狀如蒜皮紫閃白一種葉如大蒜四五月抽莖開黃白花謂之鐵色箭功同味辛甘治腫毒

龍膽一名陵游宿根黃白色苗高尺餘四月生葉如蒜細莖如小竹枝七月開花如牽牛作鈴鐸狀青碧色冬結子便枯俗名草龍膽味苦瀉大寒除胃中伏熱又有別



種山龍膽其葉不凋山人用治四肢疼痛

栝樓一作菘蓆一名果羸一名瓜萋一名天瓜一名黃瓜

一名地樓一名澤姑三月生苗引莖葉如甜瓜而窄作

义七月花似壺盧淺黃色實在花下如拳生青熟黃內

有扁子如絲瓜殼色褐子色綠根一名白藥一名瑞雪

一名天花粉味甘寒潤肺子性同治痢根宜虛熱入燕

地女子冬月用以塗面謂之佛妝

白微爾雅云蒺藜春草一名芒草一名茵草一名白幕一名

骨美莖葉俱青類柳六七月花紅色八月實根黃白色

類牛膝味鹹治風狂利陰氣

白前一名石藍一名嗽藥苗高大許葉似柳根長寸細辛  
味甘治胸前逆氣

夏枯草一名夕句一名乃東一名燕面一名鐵色草冬至  
後生葉似旋覆三四月開花作穗紫白色子亦作穗五  
月枯味苦治寒熱瘰癧

薇銜一名糜銜一名鹿銜一名吳風草一名無心一名無  
顛一名承膏一名承臙叢生似白頭翁葉有毛赤莖花  
黃根赤大小二種味苦治風濕

陰地厥葉似青蒿莖青紫花微黃根似細辛味苦治風熱  
九牛草二月生苗獨莖高一尺葉似艾背有毛采苗用味

苦治體病

劉寄奴草一名金寄奴一名烏藤菜一莖直上葉似蒼木  
九月莖端開數枝枝攢十朵小花白瓣黃蕊如菊花罷  
有白絮金瘡要藥因宋武帝得名

曲節草一名六月凌一名六月霜一名綠豆青一名蛇藍  
四月生苗莖方色青有節葉似劉寄奴而青軟秋花似  
薄荷味甘治瘡

麗春草一名叢蘭又名仙女蒿花及根治瘡黃黃疸

青箱一作青蘘一名草蒿一名萋蒿一名崑崙草一名野  
雞冠一名雞冠莧一名草決明因與決明子同功故名

嫩苗可食高三四尺苗葉花實與雞冠無別特梢間出  
花穗尖長四五寸狀如兔尾水紅色亦有黃白者莖葉  
味苦治邪氣止金瘡又有桃朱術一名陶朱術細如芹  
花紫子作角以鏡向旁敲之子自發收之令婦人為夫  
所愛青箱別種也又有天靈草亦如雞冠折之有液汁  
可制雄硫煮雌煉砂又有思莫子亦似青箱子味不同  
煎之有涎

大薊一名虎薊一名馬薊一名刺薊一名山牛蒡一名雞  
項草一名千針草一名野紅花又有小薊一名貓薊一  
名青刺葉相似功力有殊二月生苗可茹夏高尺餘多

刺心中出花頭如紅藍花青紫色北人呼為千針草大  
薊高三四尺葉皺以此為異味甘溫大薊安胎止血小  
薊破宿生新

鉤芡一名苦芡一名苦板大如拇指中空莖頭有臺似薊  
初有白毛可食食之不生瘡疥夏抽莖開白花細實無  
花實者名地膽草汁苦如膽也味苦下氣解熱

漏蘆一名野蘭一名莢蒿一名鬼油麻單州出者莖葉似  
白蒿花黃白莢莖若筋房類油麻而小沂州花葉類牡  
丹秦州似菊海州似蓮秦海州葉作鉅齒單州為勝味  
鹹治膚熱瘡疽

飛廉一名漏蘆一名木禾一名飛雉一名飛輕一名伏兔  
一名伏豬一名天薺似苦苣惟葉多刻缺葉下附莖輕  
有皮起似羽箭花紫根旁有白茸味苦治骨節熱止風  
邪

大青高三三尺莖圓葉長三四寸面青背淡對節而生八  
月花紅成簇實如椒味苦治時氣頭痛又有小青三月  
開花傳癰瘡

胡蘆巴一名苦豆拳春生苗夏結子海南諸番蘆菔子也  
味苦治元臟虛冷元陽不足氣不歸元者宜之

蠡實一名荔實一名馬蘭子一名馬棟子一名馬薤一名

馬帚一名鐵掃帚一名劇草一名旱蒲一名豕首一名  
三堅即月令荔挺出也苗高三四尺中抽莖葉似薤而  
長厚三月開紫碧花五月實作角而赤有稜根細長黃  
色味甘治皮膚寒熱

牛蒡一名惡實一名鼠黏一名大力子一名蒡翁菜一名  
便牽牛一名蝙蝠刺春生苗三四月花紫色葉如芋實  
似葡萄核褐色外殼似栗而小如指多刺根可作茹味  
辛除風通十二經消斑癩毒

豨薹一名希仙一名火欬草一名虎膏一名猪膏母一名  
狗膏一名黏糊菜對節生莖青有直稜有斑葉似蒼耳

有毛秋開小黃花外萼有細刺味苦治金瘡除風濕唐  
成訥宋張詠俱有進豨薹丸表山谷詩云紅葉山丹逐  
曉風春榮分到豨薹叢朱顏頗欲辭鏡去煮葉掘根儻  
見功

木賊叢叢直上三尺狀如鳧茈苗中空寸寸有節無枝葉  
冬不凋治木骨者用之故名味甘治目疾

木通一名通草一名附支一名丁翁一名萬年藤子名燕  
覆一名烏覆一名蓄蓄子一呼拿子繞樹藤生莖有細  
孔兩頭皆通蔓大如指莖榦大者徑三寸一枝五葉頗  
類石韋夏秋開紫花亦有白花實名桴棧子味辛利九



# 竅

通脫木爾雅云南活菴一名通草一名寇脫一名倚商草  
高丈餘大葉莖中有瓢正白女人取以飾物灌之為樹  
味甘利陰竅又有天壽根性涼治胸膈熱

燈心草一名虎鬚草一名碧玉草叢生莖圓細而長直可  
織為席及蓑取瓢為燈炷能伏硫砂味甘瀉心肺火

酸漿爾雅云歲寒漿一名醋漿一名苦歲一名苦職子一  
名小苦耽一名燈籠草一名天泡草苗如天茄五月開  
小白花如杯無瓣一鈴殼五稜下懸中有子狀似龍葵  
黃如燈籠之狀名洛神珠一曰王母珠一曰皮弁草俗

呼紅姑娘味苦利濕除熱催產

七葉一枝花即蚤休也蟲蛇之毒治之即休故名一名虫  
休一名螫休一名紫河單一名重臺一名重樓金線一  
名三層草一名草甘遂一名白甘遂生深山陰濕地一  
莖獨上莖當葉心葉綠色似芍藥凡二三層一層七葉  
莖頭夏月開花一花七瓣有金絲蕊長三四寸王屋山  
產者至五七層俗諺云七葉一枝花深山是我家癰疽  
如遇者一似手拈挈服紫河車面東咒云天朗氣清金  
雞鳴吾今服藥欲長生吾今不饑復不渴賴得神仙草  
有靈范石湖詩云綠英吐弱線翠葉抱修莖蘆如青旄

節草中立亭亭根有却老藥鱗皺友松苓長生不暇學  
聊冀病身輕

蜀羊泉一名羊泉一名羊飴一名漆姑草葉似菊子類均  
杞根如遠志無心有糝味苦治瘡疥

陀得生西國蕃人將來蕃人採此花以釀酒呼為三勒漿  
兄開寶本草

鹿蹄草一名小秦王草一名秦王試劍草似堇菜而葉大  
背紫春生紫花實青如天茄子可制雄黃丹砂治金瘡  
蟲毒

敗醬一名苦菜一名苦蕒一名澤敗一名鹿腸一名鹿首

一名馬草可食春生苗葉布地似菘狹長有齒綠色莖  
高二三尺數十一節葉四散如繖顛頂開白花成簇根  
白紫類柴胡味苦治瘡腫風熱

王不留行一名禁宮花一名翦金花一名金盞銀臺苗高  
一二尺三四月開小花如鈴紅白色實如燈籠殼有五  
稜子大如菘味苦止血治金瘡催乳出竹木刺

葶藶爾雅云葶藶一名狗薺一名丁藶一名大室一名  
大適春生苗高六七寸似薺根白枝莖青三月開黃花  
結角月令孟夏之月靡草死即此味辛治積聚又有狗  
芥草葉近根下作岐生角細長取時須分別

車前爾雅云茺菖馬舄一名蝦蟇衣一名當道一名牛舌  
一名地夜一名牛遺一名車輪菜一名羽化雷之精也  
春生苗葉布地長尺餘中抽莖作長穗如鼠尾花青實  
如葶藶周南采采茺菖是也味甘利水久服輕身明目  
晉郭景純贊云車前之草別名茺菖王會之云其實如  
李名之相亂在乎疑似唐張文昌詩云開州午日車前  
子作藥人皆道有神慚愧使君憐病眼二千里外寄閒  
人

狗舌草葉似車前無文理花黃味苦治蟲疥

豬苓一名豨苓一名豨豬苓一名豨橐一名地烏桃楓樹

苓也如松之茯苓味平利水

澤瀉爾雅云蒨藹一名水瀉一名及瀉一名芒芋一名鵠瀉一名禹孫春生苗淺水中葉似牛舌獨莖秋開白花作叢如穀精草采根用味甘消水止嘔

羊蹄一名蓄一名秃菜一名敗毒菜一名牛舌菜一名羊蹄大黃一名鬼目一名東方宿一名連蟲陸一名水黃芹子名金蕎麥葉似牛舌夏起臺開花結子花葉一色夏至枯秋深即生冬不死根長近尺黃色如大黃味苦治癰疥

酸模爾雅須殫蕪一名山羊蹄一名山大黃一名酸母一

名蓀一名當藥似羊蹄而葉小節間生子取根葉汁煉  
霜可制雄汞味酸治暴熱

龍舌草葉似菘及苕苕生水底抽莖開白花根似胡蘿蔔  
而香能軟鷺鴨卵方家用煮丹砂煨白礬制三黃味鹹  
搗塗癰疽湯火傷

麋舌生水中味辛主腹痛吐逆又有牛舌實亦名豕首一  
名牛耳菜生水中大葉長尺味鹹主輕身益氣

山豆根一名解毒一名中藥苗蔓如豆葉青經冬不凋味  
甘寒解諸藥毒止毒消瘡

解毒子一名地不容蔓生葉青如杏冬不凋無花實根黃

采芳錄 卷三  
藥  
白色累累相連與黃藥相似味苦解蠱毒

厚朴廣雅曰重皮一名烈朴一名赤朴一名厚皮樹名榛  
子名逐折木高三四丈徑一二尺葉如櫛四季不凋紅  
花青實以皮為用故名味甘治五臟一切氣消食去水  
濕司馬溫公詩話句云立殘堦下梧桐影喫盡街頭厚  
朴湯

秦皮一名櫟皮一名檮木一名石檀一名礬椶一名盆桂  
一名苦樹一名苦櫨似檀皮有白點無花實味苦治目  
之藥

阜角一名阜莢一名烏犀一名懸刀一名雞棲子葉如槐



枝多刺夏花黃色結實三種一種小如猪牙一種長而瘦薄一種肥厚味鹹通關節破堅癥張文潛詩云畿縣塵埃不可論故山喬木尚能存不緣去垢須青莢自愛蒼鱗百歲根又有波斯阜莢呼為忽野簷默拂林呼為阿梨去伐一名阿勃勒樹長三四丈葉似鉤綠而短不花而實味甘又有鬼阜莢生地澤高一二尺沐之長髮又有肥阜莢生高山中葉如檀五六月開白花莢長三四寸狀如雲實之莢而肥厚內有黑子大如脂能去垢又有酸角出臨安如阜而小味酸

巴豆一名巴菽一名剛子一名老陽子木高一二丈葉似

櫻桃而厚大青色後漸黃赤花發成穗微黃色夏實作  
房一房二瓣一瓣一子或三子出巴蜀殼上有縱文如  
線為金線巴豆為上破癥瘕結聚

常山一名恆山一名互草一名雞屎草一名鴨屎草一名  
蜀漆莖圓有節高三四尺葉似茗兩兩相當二月開白  
花為房海州出者葉似楸八月花紅白色子似山楝子  
味苦治結聚又有土常山苗葉極甘用為飲味甘又名  
蜜香草非常山也又有杜莖山高四五尺葉似苦蕒菜  
秋花冬實味苦主溫瘴又有土紅山高七八尺葉似枇  
杷而小無毛秋開白花不實味甘治勞瘴

附子爾雅芟草廣雅夔夔毒一歲為煎子二歲為烏喙  
三歲為附子四歲為烏頭五歲為天雄本草綱目則以  
正者為烏頭多岐者為烏喙細長三四寸者為天雄根  
旁如芋散生者為附子旁連生者為側子五物同出而  
異名苗高三四尺莖作四稜葉如艾花紫碧色作穗實  
小如桑椹李時珍云烏頭為附子之母今人謂之川烏  
頭春末生子采為烏頭冬生子已成采為附子其天雄  
烏喙側子皆生子多者因象命名味辛有毒治風寒欬  
逆破癥堅助陽退陰別名昌明童子一曰三建其野生  
者為草烏頭一名土附子一名耿子一名毒公一名金

鴉苗名葭一名獨白草一名鴛鴦菊汁煎名射罔葉厚莖方中空葉四相當似蒿毒甚治中風不可輕投又有白附子一名章陽羽獨莖似鼠尾草細葉周匝生于穗間根形似天雄味甘治冷風氣消面癩宋景文附子贊云附莖而生翠莖紫蕤生蜀者良三建則非林岵之詩云洞霞疑接台峰近石棧空歌蜀道難一種靈苗人不識半山霜露夜痕乾

藜蘆一名山葱一名葱苒一名葱莢一名葱葵一名豐蘆一名憨葱一名鹿葱三月生苗葉似梭心莖似葱白青紫色高五六寸有黑皮裹莖似梭根似馬腸根長四五

寸黃白色味辛治蠱毒又有山慈石葉如藜蘆莖有衣  
一名爰芘味苦治女子帶下又參果根生百餘根一名  
百連一名烏蓼一名鼠莖一名鹿蒲味苦治鼠癩又馬  
腸根葉似桑苦辛治蠱又水藜蘆一名黃藜蘆一名鹿  
驪葉如櫻桃四月開細黃花結小子如豆味苦有毒殺  
蟲

鱧腸一名蓮子草一名旱蓮草一名金陵草一名墨煙草  
一名墨頭草一名墨菜一名猢猻頭一名猪牙草一種  
葉似柳莖似馬齒莧高二三尺花細白實若小蓮房一  
種苗梗枯瘦似蓮而黃南人謂之小連翹味甘烏鬚固

齒傳瘡

蒴藿一名接骨草花名陸英春抽苗莖有節葉大如水芹  
花白子青如綠豆每枝五葉味酸風癩癰瘡可作湯浴  
之治丹毒

水英一名牛薤草一名水節一名水棘一名海荏一名海  
精木一名魚津草其花可合面藥

海根莖赤葉似馬蓼根似菝葜味苦治中惡

火炭母草莖赤葉尖夏開白花秋實如椒味酸去皮膚風  
熱

三白草八月生苗高二三尺莖如蓼葉如章陸四月其顛

三葉面上三次變作白色餘仍青俗云一葉白食小麥  
二葉白食梅杏三葉白食黍子五月花白成穗如蕞微  
香根長白虛軟有鬚如菖蒲味辛消痰除積洗癬

蠶繭草如蓼莖赤花白味辛治蟲咬毒擣傅諸瘡

蛇繭草葉似苦枝而小節赤高一二尺種之辟蛇傳蛇毒  
虎杖爾雅葑虎杖一名苦杖一名大蟲杖一名斑杖一名  
酸杖三月苗莖如竹筍有赤斑葉似杏六七月旋旋開  
花似菊秋實氣溫破癥結燒灰貼諸惡瘡

蒺藜一名升堆一名旁通一名休羽一名屈人一名止行  
葉四布莖淡紅色一莖五六葉排兩旁開小黃花結實

每一朶五六枚子如小麥三角四刺味苦破積聚健筋  
益精卽旱草也楚辭蕢菜施以盈室兮蕢蒺藜也唐柳  
柳州句云古道饒蒺藜縈迴古城曲近時焦廣期衣熹  
詩云爰有蒺藜樹之中庭日月幾何維葉青青青青之  
葉不可採擷凌彼嘉卉自以為傑念汝非種亦天所生  
憐而勿鋤乃傷我於行嗚呼疇昔之日有一溉之德不  
以為德肆為殘賊蒺藜蒺藜誰其樹之於汝勿尤怛焉  
自思又有沙苑蒺藜一名白蒺藜細蔓綠葉綿布沙上  
七月花黃紫色如豌豆花九月結莢子似羊肉腎大如  
黍味甘補腎



穀精草一名文星草一名戴星草一名流星草收穀後生  
荒田中一科叢生葉似嫩穀秧抽細莖高四五寸莖頭  
開小白花點點如亂星九月采花味辛治頭風

五加皮一名文章草一名金玉香草一名金鹽一名五花  
一名追風使一名豺膝一名狩節一名五佳一名白刺  
一名木骨莖葉皆青作業有刺類薔薇葉五出香似檉  
欖實如豆粒而扁根類地骨皮久服輕身可代茶餌漢  
譙周贊云文章作酒能成其味以金買草不言其貴先  
叔祖棕巢公五加皮行云紅橋關產靈草葉五加香味  
好浸為醪調濕燥彊力益精希世寶青青生巖間采采

驅松蠻芟削其繁梗洗剝其苔斑侵星去日夕還登嵯陁  
嶺如猿扳摘以重五重七並重九莖葉本根無不有擣  
成霏屑入刀圭痿者能起跛者走藥為蜀產詎謂奇索  
者非公饋必私縣給官價蠻民苦不恨縣官轉恨醫我  
欲縱火厯山澤燒除此藥種大麥窮蠻聞之歡呼稱善  
手加額

續隨子一名千金子一名千兩金一名菩薩豆一名拒冬  
一名聯步苗如大戟莖端生葉花亦類大戟自葉中抽  
榦而生實青有殼味辛治瘀血癥瘕塗癬疥

良莖一名天仙子一名橫唐一名行唐苗莖高二三尺葉

似地黄潤如三指五月實有殼作罌子如小石榴房味苦殺蟲久服輕身

雲實一名員實一名雲英一名天豆一名馬豆一名羊石子苗名草雲母一名臭草一名黏刺高五六尺葉如槐枝間有刺三月開黃花莢長三寸子五六粒有黃黑斑味辛治泄痢殺蟲

蓖麻一作蠅莖空有節葉如瓠夏花穗纍纍黃色實有軟刺如蝟子如豆皮有紋仁白味辛近已豆能走通諸竅明陳白沙詩云山渠面面擁蓖麻鎖盡春風一院花江上行人迷指顧老夫於此煉丹砂短檠他夜照書牀一

餞蓖麻也借光老去圖書收拾盡只憑香几對羲皇紅  
朶青條擺弄同人間無地不春風莫輕此輩蓖麻子也  
在先生藥圃中蓖麻得雨綠成畦如此風光亦老黎飲  
後小菴搜句坐山禽唬近竹門西蓖麻繞竹逕通雲雲  
裏樵歌隔竹聞手把長鑿種春雨風光吾與老黎分種  
了蓖麻合種瓜青山周折兩三家老夫來構茅茨畢別  
種秋風一徑花又有博落迴葉似蓖麻大毒不可入口  
治惡瘡又黑天赤利子似蓖麻在地蔓上是兩顆頭尖  
有毒

覆盆子爾雅云葶藶葢一名插田蔗一名烏蔗子一名大

麥苒一名栽秧蔗一名西國草一名畢楞伽一名馬癩  
一名陸荆藤蔓莖有鉤刺一枝五葉面青背白無毛花  
白夏實子小于蓬蘽似覆盆生青熟烏味甘益氣輕身  
補虛續絕宋王右丞詩云靈根茂永夏幽磴羅深叢晶  
華發鮮澤葉實分青紅搜尋犯晨露採摘勤村童籍以  
烟筍籜貯之霜筠籠

蓬蘽亦名覆盆一名陵蘽一名陰蘽一名寒莓葉大如掌  
厚而有毛六七月開小白花結實三四十顆成簇生青  
熟紫俗名割曰蔗味酸安五臟久服輕身又一種小於  
蓬蘽一枝三葉四月實紅如櫻桃俗名薔田蔗即爾雅

所謂蔗也蔗即莓也甜可食不入藥

懸鉤子爾雅箭山莓一名沿鉤子一名樹莓懸鉤生高四五尺莖白有倒刺葉有細齒似櫻桃葉四月開小白花實紅似蔗莓而大可食味酸醒酒止渴

蛇莓一名蛇蔗一名地莓一名蠶莓就地引蔓節節生根每枝三葉有齒夏花黃色五出實鮮紅似覆盆味甘治溪毒射工毒

木鼈子一名木蟹春生苗作藤葉有五極如山藥四月花黃實似栝樓生青熟黃肉上有軟刺實有核三四十枚扁如鼈可作茹味甘治折傷消腫毒又有菴木鼈一名

馬錢子一名苦實把豆一名火失刻把都蔓生夏花黃色實如木鼈核小味苦治咽喉痺痛

馬兜鈴一名都淋藤一名獨行根一名土青木香嶺人治蠱隱其名曰三百兩銀藥根名雲南根蔓生繞樹葉如山積背白六月開黃紫花類枸杞實如大棗狀似鈴四五瓣根似木香味苦治肺熱

預知子一名聖知子一名聖先子一名盞合子一名仙沼子一名聖無憂子蔓生葉綠有三角秋實作房生青熟紅每房子五六枚如阜萸味苦殺蟲療蠱一切蛇蟲咬根治蠱功勝于子

葶藶一名赤節一名百枝一名竹木一名白菝葜蔓生葉  
三义似山薯花紅黃白數種亦有無花結白子者根黃  
白多節味苦強骨節益氣

菝葜一作菝葜一作矮結短也一名金剛根一名鐵菱角一  
名王瓜草莖似蔓而堅強直生有刺葉團狀如馬啼秋  
花黃根硬有鬚味酸治腰背寒益血氣根葉入染家用  
張文潛詩云江鄉有奇蔬本草寄菝葜驅風利頑痺解  
疫補體節春深土膏肥紫筍迸土裂烹之芼薑橘盡取  
無可掇應同玉井蓮已過苗頭茁異時中州去買子攜  
根撥免令食蔬人區區羨薇蕨



白歛一名白草一名白根一名兔核一名貓兒卵一名崑  
崙蔓生赤莖葉如桑五月花秋實根如雞鴨卵三五枚  
同一窠皮黑味苦治癰疽又赤歛花實根用同

女萎似白歛白花細子亦名蔓楚味辛治風寒霍亂

土茯苓一名土草薺一名刺猪苓一名山猪糞一名草禹  
餘糧一名仙遺糧一名冷飯團一名硬飯一名山地栗  
蔓生如蓴莖有細點類竹葉而厚滑根如菝葜大若雞  
鴨卵連綴而生赤白二種白者良味甘當穀不飢調中  
止瀉健行

諸魁蔓生葉似蘿摩根若菝葜皮紫肉黃大者如芥味甘

治心腹積聚

婆羅得一名婆羅勒梵言重生果也生西海樹似椰子如  
蕁麻味辛治冷氣塊補腰腎染髭髮

大風子出海南諸蕃國乃大樹之子狀如椰子而圓中有  
核數十枚大如雷丸子中有仁白色久則黃而油不堪  
入藥味辛有毒取油治瘡可殺蟲不可多服或至喪明  
猪腰子生柳州蔓生結莢內子大若猪之內腎長三四寸  
色紫而肉堅彼人以充土宜饋生味甘治一切瘡毒  
盧會一名奴會一名訥會一名象膽生波斯國狀似黑錫  
乃樹脂也今惟廣州有來者其木生山野中滴脂淚而

成瓜哇三佛齊諸國出者乃草屬狀如鱉尾采之以玉  
器味苦治熱風煩悶明目鎮心殺三蟲解巴豆毒

騏驎竭一名血竭出南番大食諸國及廣州木高數丈畧  
似沒藥婆娑可愛葉似櫻桃而有三角其肌赤色其脂  
液從木中流出滴下如膠飴狀久而堅凝乃成竭赤作  
血色今人試之以透指甲者為真味甘治金瘡補心益  
陽

鵝抱蔓生似豆根似萊菔大者如三升器小如拳味苦治  
風熱上壅喉痛

伏雞子根一名承露仙蔓生葉圓薄似錢根似鳥形者良

味苦解百藥毒治諸熱煩悶又有仰盆苗相似圓如仰盆味辛治蠱毒又人肝藤蔓生葉有三極紫花亦名承露仙解諸藥毒治手脚軟痺

九仙子一名仙女嬌一根連綴九枚大者如雞子小者如半夏蔓生高六七尺葉如烏桕而短每葉極生子枝下垂六七月花碎青黃色實叢簇如穀精草味苦治喉痛黃藥子爾雅云藟大苦一名木藥子一名大苦一名赤藥一名紅藥子莖高三四尺有節似藤葉大如拳春開碎花根長尺許外褐內黃大者圍二三寸味苦治瘡毒又有奴會子如苦藥味辛主小兒冷疳虛渴又海藥實一

名連木葉似杏子肉酸似黃藥黃藥不結子此則樹之  
子也去皮用仁味辛治邪氣諸痺除蠱毒

白藥子三月生苗似苦苣赤莖似壺盧蔓六月花白色結  
子亦名瓜萋根黃味辛解野葛生金巴豆等毒治金瘡  
又陳家白藥出蒼梧味苦解諸藥毒又甘家白藥出龔  
州以南葉似車前根如半夏汁如蜜味苦解諸藥毒入  
會州白藥葉似白歛傅金瘡又衝洞根苗葉根皆如土  
瓜味苦主蛇犬癰瘡等毒又突厥白根黃白狀似茯苓  
而虛軟苗高三四尺葉似薄荷花似牽牛而紫上有白  
凌根苦治金瘡補腰續筋

黃環一名凌泉一名大就一名就葛一名生芻一名根韭  
實名狼跋子一名度穀苗赤高二尺葉黃圓有汁五月  
實圓根黃色從理如車輻味苦治蠱毒鬼邪惡瘡

翦草葉似茗而細如茜草味苦治諸惡瘡疥癬

鈎藤出建平一名弔藤長八九尺大如莓中空有鈎紫色  
味甘用鈎治小兒十二驚癇又倒掛藤有逆刺倒掛于  
樹葉尖而長味苦主一切老血及產後諸疾

白兔藿一名白葛蔓生苗似蘿摩葉似萹莖有白毛味苦  
治蛇虺諸大毒

白英一名穀菜一名白幕一名排風一名白草子名鬼目

蔓生葉似王瓜五極秋開小白花實如龍葵子生青熟  
紫味甘治寒熱久服輕身子酸明目

芫蘭爾雅云藿芫蘭一名蘿摩一名白環藤實如雀瓢一  
名斫合子一名羊婆奶一名婆婆鍼線包又名婆婆鍼  
袋兒藤生摘之有白汁可啖根白軟葉長六七月花如  
鈴紫白色實長二三寸如馬兜鈴一頭尖殼青軟中有  
白絨霜後裂則子飛味甘治虛勞益精氣葉煮食功同  
子搗子傅金瘡搗葉傅腫毒取汁溥丹毒蛇蟲毒衛風  
芫蘭之支即此

赤地利一名赤薜荔一名五毒草一名五莢一名蛇蒟一

名山蕎麥蔓生莖赤葉青七月花花葉俱似蕎麥子青  
根若葎莢皮紫味苦治痢

紫葛苗似葡萄長丈餘根紫大者徑二三寸味甘傳惡瘡  
烏蘇莓爾雅拔龍葛一名五葉莓一名龍草一名赤葛一  
名五爪龍一名赤撥藤一名龍尾一名虎葛蔓生葉似  
白蘇莖端五葉開花四出青白色藤柔有稜一枝一鬚  
實如龍葵子生青熟紫根白大如指味苦傳癰癩

葎草一名勒草一名葛勒蔓一名來莓草二月生苗莖有  
刺葉對節生有五尖秋花細紫成簇子如黃麻味甘治  
瘀血療五淋除九蟲



金沙一名竹園萋莖細如線引于竹上高尺許葉青如  
園萋有皺文皺處有沙子不開花沙及草皆入藥味甘  
利小腸治淋

地楊梅如沙草子似楊梅取莖子用味辛治痢又有水楊  
梅一名地椒條葉甚多叢生陰濕處苗葉似菊花實黃  
類椒味辛治瘡毒伏三黃制丹砂

紫花地丁一名箭頭草一名獨行虎一名羊角子一名米  
布袋葉似柳夏開紫花結角味苦治一切腫毒

地蜈蚣草左蔓延右右蔓延左葉密對生穗亦長呼過蜈  
蚣上樹者呼飛天蜈蚣根苗可用味苦無毒

鬼鍼草一名鬼釵方莖葉有極作釵脚著人衣如鍼味苦  
治蛇蟲咬毒

獨用將軍節節穿葉心生苗味辛治腫毒又有留軍待葉  
似楠而細味辛主肢節風痛折傷瘀血

見腫消生筠州葉莖紫色高一二尺葉似桑味酸消癰腫  
攀倒甑生宜州莖葉如薄荷一名斑杖一名接骨味苦解  
風熱

水甘草莖青葉似柳無花不入衆藥味甘治小兒風熱丹  
毒同甘草煎飲

草犀獨莖對葉如燈臺草根如細辛生水中者名水犀味

辛治一切毒

釵子股一名金釵股根如細辛每莖三四十根味苦解諸毒

吉利草莖如金釵股形類石斛根類芍藥治蠱毒

良耀草枝葉如麻黃花白似牛李秋結子如小粟功與吉利同得是藥者梁氏子耀因以為名梁轉為良爾

硃砂根苗高尺許葉如冬青根大如筋赤色似百兩金味苦治喉腫

辟虺雷一名辟蛇雷狀如粗塊蒼朮節中有眼味苦解百毒辟瘟疫

錦地羅根似草薺味苦治山嵐瘴瘡毒並中諸毒根研酒服

紫金牛葉如柰上綠下紫實紅如丹根紫似巴戟味辛治時疾

拳參葉如羊蹄根似海蝦黑色治淋瀝腫氣

鐵線草生饒州三月采根味苦療風消腫毒

金絲草出慶陽山味苦治諸血病解瘴諸藥毒療癰疽

骨碎補一名猴薑一名胡猴薑一名石毛薑一名石菴蘭

生陰處根有黃赤毛及短葉附之抽大葉成枝有青黃點背有赤紫點味苦破血止血補傷折骨中毒

石韋一名石韃一名石皮一名石蘭叢生陰處其生古瓦屋者名瓦韋葉如柳背有毛而斑點長者近尺濶寸餘冬不凋又一種如杏葉味辛治勞熱邪氣癰閉金瘡

石莧生筠州莖青高尺許葉如水柳味苦主齕齕又有石垂生福州三月花四月采子生搗治蠱毒

景天一名慎火一名戒火一名護火一名辟火一名救火一名火母種石山二月生苗脆莖微帶赤黃色高一二尺折之有汁葉淡綠光柔狀似長匙頭及胡豆葉不尖夏花白實如蓮翹中有黑子味苦治大熱火瘡諸蠱金瘡苗葉花並可用人家多種之以防火南中無霜雪多

成樹一名龍骨樹梁范筠詩云茲卉信業業微榮未足  
奇何期糝香草遂得遶花池忘憂雖無用止燄或有施  
早得建章立幸蕪柏梁垂宋王梅溪詩云禁殿安虫尾  
騷人逐畢方何如栽此草有火自能防

石胡荽一名天胡荽一名野胡荽一名鵝不食草一名雞  
腸草生石縫及陰濕處高二三寸冬生苗細莖小葉狀  
如嫩胡荽氣辛鵝亦不食夏花黃色子繁利九竅解毒  
散瘡種

螺髻草一名鏡面草蔓生石上葉似螺髻微赤面光如鏡  
背有少毛味辛治癰腫風疹

酢漿草一名酸漿一名三葉酸一名三角酸一名酸母一  
名醋母一名酸箕一名鳩酸一名雀兒酸一名雀林草  
一名小酸茅一名赤孫施苗高一二寸叢生布地一枝  
三葉一葉兩片至晚自合四月開小黃花結角長一二  
分冬不凋方士采制砂汞砒礞砒石味酸殺蟲又有酸  
草生名山醴泉上陰厓五葉根赤可以消玉一名醜草  
主輕身延年又三葉生田中莖小高三尺根黑一名三  
石一名當田一名赴魚味辛治蛇蜂螫  
地錦一名地朕一名地噤一名夜光一名承夜一名草血  
竭一名血見愁一名血風草一名馬螳草一名雀兒卧

單一名醬瓣草一名猢猻頭草莖葉細弱蔓延于地莖赤葉青紫六月開黃紅花結細實如蒺藜取苗子用方十秋采煮雌雄丹砂硫黃味辛治癰毒金刃散血止血又有金瘡小草生下濕地高一二寸如薺葉短春夏淺紫花味甘主金瘡止血

崖椶生施州石崖上苗高尺餘狀如椶四季有葉無花土人采根去麤皮入藥味甘辛治婦人血氣五勞七傷與雞翁藤半天回野蘭根洗焙為末溫酒服雞翁藤蔓延大木上有葉無花味辛半天回春生苗高二尺餘赤斑色味苦澁野蘭根叢生高二尺餘四時有葉無花微苦



紫背金盤一名金盃藤生施州苗高尺餘似醋筒草而葉小背微紫無花軟莖引蔓似黃絲搓之即斷湘湖水石處皆有之味辛瀉治婦人血氣痛消胎氣又醋筒草葉似木芙蓉而偏莖空而脆開白花味酸廣人以鹽醋淹食之

白龍鬚生近水旁有石處寄生搜風樹節乃樹之餘精也細如機絲直起無枝葉難得真者一種萬纏草生於白線樹根細絲相類但有枝莖稍麤味平治風濕腰腿痛馬勃一名馬疔一名馬竅一名灰菘一名牛屎菘生濕地及腐木上紫皮虛軟狀如狗肝彈之粉出有大如斗者

小亦如升杓味辛平治惡瘡清肺

坐拏草生江西六月開紫花結實味辛有毒治風痺壯筋

骨

押不蘆生漠北以少許磨酒飲即死加以刀斧亦不知以  
他藥解之即蘇華陀洗腸胃攻疾疑先服此元白珽續  
演雅詩云草食押不蘆雖死元不死未見滌腸人先聞  
棄篲子

芫花一名杜芫一名赤芫一名去水一名毒魚一名痛頭  
花一名兒草一名敗華根名黃大戟一名蜀桑苗高二  
三尺莖紫葉小而尖似白前根皮黃二月花紫碧色似

紫荆而作穗似藤花而細絳州出者花黃謂之黃堯味  
辛有小毒治欬逆一切毒風

堯花堯饒也花繁饒也以雍州者為好生岡原上苗高二  
尺許似胡荽花細黃色乾則如白味苦有毒治傷寒利  
水道蠱毒

黃花了生信州春生青葉三月開花似辣菜花黃色秋結  
實治喉齒病

悶頭花吳人呼為老鼠花許纘曾東還記程云渡潯水至  
黃許舖陌上徧生紫花自根至顛純花少葉色如江南  
諸葛菜桔梗花數百里內皆有之近之輒頭悶不止相

戒以為不可響邇花幹皆入藥

醉魚草一名鬧魚花一名魚尾草一名櫛木生南多塹岍  
邊株高三四尺根如枸杞莖似黃荊有微稜外有薄黃  
皮葉似水楊對節而生經冬不凋七八月花成穗紅紫  
色如芫花結細子能毒魚池沼邊不可種味辛有小毒  
治痰解魚毒化魚骨鯁

莽草一名茵草一名芒草一名鼠莽木若石楠而葉稀無  
花實一說藤生繞木石間而今世所用者皆木葉其臭  
如椒味辛有毒治風殺蟲魚

茵芋一名莞草一名卑共春生苗高三四尺狀似莽草莖

赤葉似石榴而短厚又似石楠四月花白色五月實味苦有毒治五臟邪氣

苦堇爾雅齧苦堇注今堇葵也一名石龍芮一名地�一名天豆一名石能一名魯果能一名水堇一名胡椒菜一名彭根苗似附子高者尺許根如薺圓莖分枝三葉葉青而光滑似柳葉有三尖多細缺四五月開細黃花實大如豆狀如初生桑椹青綠色搓散則子甚細如葶藶味苦治濕痺癰毒久服輕身明目不老

毛茛一名毛建草一名水茛一名毛堇一名天灸一名自灸一名猴蒜春生苗高尺餘一枝三葉葉有三尖及細

缺與石龍芮莖葉相似但有細毛四五月開小黃花五  
出甚光艷實狀如欲綻青桑椹有尖峭味辛有毒治瘡  
癰人誤食以甘草汁解之

海薑生海中赤色狀如石龍芮有大毒  
陰命生海中赤色著木懸其子有大毒

牛扁一名扁特一名扁毒一名便特似堇草根如秦艽而  
細六月花八月實味苦治身皮瘡殺蟲

虱建草高一二尺葉似山丹微赤味苦主蟣虱及諸蟲瘡  
又有水竹葉生水中葉如竹而短小可生食亦去蟣虱  
尋麻一名毛蕪出川黔高二三尺其莖有刺葉似花蕊或

青或紫上有毛芒觸人如蜂蠆以人溺濯之即解有花  
無實冬不凋味辛苦寒有大毒治蛇毒少陵除草云草  
有害於人曾何生阻修其毒甚蜂蠆其多彌道周清晨  
步前林江色未散憂芒刺在我眼焉能待高秋霜露一  
霑凝蕙葉亦難留荷鋤先童稚日入仍討求轉致水中  
央豈無雙釣舟頑根易滋蔓敢使依舊邱自茲藩籬曠  
更覺松竹幽芟夷不可闕疾惡信如讐

格注草出齊魯山澤間葉似蕨根紫色若紫草根一株有  
二十許味苦有大毒治蠱症諸毒

鉤吻一名野葛或作冶葛一名毒根一名胡蔓草一名斷

腸草一名爛腸草一名黃藤一名火把花一名回活一名除辛出桂州以南蔓生與苻華相似葉如羅勒光而厚又如梯五六月花扁如支子稍大又似檉柳不成朶色黃白稍黑生嶺南者花黃滇南者花紅誤食之數日卒飲鷺鴨血食薤菜能解之味辛大毒樂天有木云有木香苒苒山頭生一發主人不知名移種近軒闥愛其有芳味因以調麴蘖前後曾飲者十人無一活豈徒悔封植兼亦誤采掇試問識藥人始知名野葛年深已滋蔓刀斧不可伐何時猛風來為我連根拔

屈草味苦微寒久服輕身 別羈一名別枝生藍田川谷



味苦主風寒濕痺以上見本草經

離樓草生常山味苦主益氣輕身 黃護草生隴西主痺

益氣令人嗜食 雀醫草一名白氣春生秋花白冬實

黑味苦主輕身益氣 木甘草生木間三月生葉如蛇

牀四四相值折枝種之便生五月花白實核赤主療癰

腫 益決草生山陰根如細辛主欬肺傷 九熟草一

名烏粟一名雀粟生人家庭中葉如棗一歲九熟味甘

止洩療悶 兌草冬生蔓草木上葉黃有毛味酸主輕

身益氣 異草生籬木上葉如葵莖旁有角汁白味甘

主痠痺寒熱 灌草一名鼠肝葉滑汁白主癰腫 葩

草味辛主傷金瘡 葶草生山澤如蒲黃葉如芥味甘

主盛傷痺腫 英草華一名鹿英生蔓木上味辛主痺

氣堅筋骨 封華味甘有毒主疥瘡 煥華味甘主

氣堅筋骨 節草一名山節一名達節一名通漆味苦

主傷中痿痺 讓實味酸止洩痢 羊實生蜀郡味苦

主惡瘡 桑莖實一名草王葉如荏方莖大葉生園中

味酸主輕身益氣 可聚實一名長壽生山野道中穗

如麥葉如艾味甘主輕身益氣 滿陰實生深山莖如

芥葉小實如櫻桃味酸主益氣 馬顛味甘有毒療浮

腫不可多食 馬逢味辛主癬蟲 兔棗生丹陽陵地

高尺許實如棗味酸主輕身益氣 鹿良味鹹臭主小  
兒驚大人瘞 雞涅一名陰洛生雞山味甘主明目  
犀洛一名星洛一名泥洛味甘主癰疾 雀梅一名千  
雀生海水石谷間味酸有毒主蝕惡瘡 燕齒主小兒  
癰寒熱 土齒生山陵地中狀如馬牙味甘主輕身益  
氣 金莖一名葉金草生澤中高處味苦主金瘡 白  
背生山陵根似紫葳葉如燕盧味苦主寒熱 青雌一  
名蟲損一名孟推生方山山谷味苦主惡瘡 白辛一  
名脫尾一名羊草生楚山三月采根白而香味辛有毒  
主寒熱 赤舉一名羊飴一名陵渴生山陰二月花繞

蔓草上五月實黑中有核味甘主腹痛 赤溼生蜀郡  
山石陰地濕處味甘主疰益氣 赤赫生益州川谷味  
苦有毒主痲瘍 黃稊形如桐根味苦主心煩 黃辨  
一名經辨味甘主心腹疝痕 紫給一名野葵生高陵  
下地根如烏頭味鹹主毒風頭洩注 紫藍味鹹能消  
除肉毒 糞藍生房陵味苦主身痒瘡 巴朱生雒陽  
味甘主寒上血帶下 紫紫生宛句味苦久服輕身長  
年 文石一名黍石生東郡山澤中水下五色有汁潤  
澤味甘主寒熱 路石一名陵石生草石上天雨獨乾  
日出獨濡花黃莖赤黑三歲一實赤如麻味甘主心腹

益氣 曠石生江南如石草味甘主益氣養神 敗石  
味苦主渴痺 石劇味甘止消渴 石芸一名螯烈一  
名顧啄味甘主目痛淋露寒熱 竹付味甘止痛除血  
祕息一名杜逢味酸主療肝邪氣 盧精生益州味  
平治蠱毒 唐夷味苦主療踠折 知杖味甘療疝  
河煎生海中味酸主結氣癰在喉頸者 區余味辛主  
心腹熱癢 王明一名王草生山谷味苦主身熱邪氣  
師系一名臣堯一名巨骨一名鬼芭生平澤味甘主  
癰腫惡瘡 并苦一名馱或音薰一名玉荆主益肺氣安  
五臟 索千一名馬耳味苦主易耳 良達生山陰莖

蔓延大如葵子滑小主齒痛輕身 戈共生益州山谷  
惡飛蕪味苦主驚氣傷寒羸瘦 船虹生蜀郡味酸主  
下氣止煩渴 姑活一名冬葵子一名雞精生河東味  
甘久服輕身益氣耐老 白女腸生深山谷葉如藍實  
赤味辛主洩痢心痛赤女腸同 白扇根味苦主瘡寒  
熱出汗令人變 黃白支生山陵三四月采根用 父  
陞根一名亭魚一名梓藻味辛有毒以熨癰腫膚脹  
疥拍腹味辛主輕身療痺 五母麻一名鹿麻一名歸  
澤麻一名天麻一名若草生田野味苦有毒主痿痺下  
痢 五色符味苦主欬逆五臟邪氣青符白符赤符黑

符黃符各隨色補其臟白符一名女木生巴山谷 救  
救人者生人家宮室間味甘有毒主疝痺通氣 常吏  
之生實有刺大如稻梁味苦主明目 載味酸主諸惡  
氣 慶味苦主欬嗽 裸生山谷中白順理味甘主益  
氣延年 芥一名黎葉如大青味苦寒主消渴止血除  
痺 新雉木實如桃可作沐藥味苦香溫主風眩痛  
合新木生遼東味辛解心煩止瘡痛 俳蒲木生陵谷  
葉如柰實赤三稜味甘主少氣止嘔 遂陽木生山中  
如白楊葉三月實十月熟赤可食味甘主益氣 學木  
核如蕤核味甘主脇下留飲 栲核味苦療水身面癰

腫 木核療腸澼花療不足子療傷中根療腹 荻皮  
生江南如松葉有別刺實赤黃味苦主消渴益氣以上  
見名醫別錄

鳩鳥漿生江南杖木下高一二尺葉陰紫色冬不凋有赤  
子如珠味甘溫無毒能解諸毒故名浸酒服 吉祥草  
與花譜吉祥草名同物異生西國味甘主明目強記補  
心 雞脚草生澤畔赤莖對葉如百合苗味苦主赤白  
痢 兔肝草一名雞肝初生細葉軟如兔肝故名味甘  
主金瘡止血解丹石 斷罐草主疔瘡 千金鏹生江  
南高二三尺傅蛇蝎咬毒 土落草生嶺南山谷葉細



長味甘主腹冷氣痛 倚待草生桂州如安山谷高二  
三尺葉圓主血氣虛勞無子逐病極速故名 藥王草  
苗莖青色摘之有汁味甘解一切毒 筋子根生四明  
山苗高尺餘葉圓厚光潤冬不凋根大如指亦名根子  
味苦主心腹痛蠱毒 盧藥生蕃國似乾茅黃赤色味  
鹹主折傷內損補氣 無風獨搖草與羌活天麻鬼臼  
名同物異生大秦國及嶺南諸山頭若彈子尾若鳥尾  
兩片開合見人自動故名帶之令夫相愛性平溫主頭  
骨遊風 放杖木生溫括睦婺諸州山中樹如木天蓼  
老人服之一月放杖故名氣味甘溫治一切風血輕身

變白不老浸酒服之 馬瘍木生江南山谷樹如樗根  
皮有小毒塗惡瘡疥癬 角落木生江西山谷似茱萸  
獨莖皮味苦主赤白痢 芙樹生江南深山葉長厚冬  
月不凋有大毒主風癩皮膚不仁 白馬骨生江東似  
石榴而短小對節燒灰塗瘰癧惡瘡莖葉煮汁服止水  
痢 慈母生山林間高文餘葉如櫻桃而小枝葉炙香  
作飲令人不睡主小兒痰痞 黃屑樹如檀從西南來  
者並作屑染黃用之味苦主心腹痛霍亂以上見本草  
拾遺

建水草生福州枝葉似桑四時常有取葉治走注風痛

百藥祖生天台中冬夏常青采葉治風 催風使與  
五加皮名同物異生天台山中冬夏常青采葉治風  
刺虎生睦州凌冬不凋采根葉入藥味甘主一切腫痛  
風疾 石逍遙生常州冬夏常有無花實味苦微寒主  
癱瘓久服益氣輕身 黃寮卽俗名倒摘刺生天台山  
中冬夏常青治喉痛 地茄子生商州三月開花結子  
味微辛温有小毒主中風破堅積消癰腫 田母草生  
臨江軍無花實性涼主煩熱 田麻生信州田野及溝  
澗旁春夏生青葉八月生小莢葉治癰瘡腫毒 芥心  
草生淄州引蔓白色根黃色四月采苗葉治瘡疥 苦

芥子生秦州苗長一尺餘莖青葉如柳開白花似榆葉  
子黑味苦明目治血風煩躁 布里草生南恩州原野  
中莖高三四尺葉似李而大至夏不花而實味甘寒有  
小毒治瘡疥殺蟲 茆質汙生信州葉青花白七月采  
根治風腫行血 胡堇草生密州東武山田中枝葉似  
小堇菜花紫色似翹軛花一枝七葉出兩三莖味辛止  
痛散血塗金瘡 小兒羣生施州叢高尺許春夏生苗  
葉無花味辛性涼治淋 撮石合草生眉州平田中莖  
高二尺餘葉似穀十二月萌芽二月花不結實味甘療  
金瘡 獨脚仙生福州山林旁陰泉處多有之春生苗

葉圓落下紫脚長三四寸秋冬葉落夏連根葉采焙為末治婦人血塊 露筋草生施州高三尺餘春生苗即開花結子碧綠色四時不凋味辛瀋性涼主蜘蛛蜈蚣傷 大木皮生施州四時有葉無花味苦瀋性溫治一切熱毒氣以上見圖經本草

九龍草一名金釵草生平澤中紅子狀如楊梅苗解諸毒治喉痛蛇虺傷 荔支草治蛇咬犬傷破傷風 水銀草治眼昏 透骨草治筋骨一切風濕疼痛腫毒 蛇眼草生古井及年久陰下處形如淡竹葉背有紅圈如蛇眼傳蛇咬 鷺項草取花治咽喉生瘡 蛇魚草搗

傅金瘡 九里香草治肚癰 白筵草香草也蟲最畏

之取根煎洗諸蟲瘡 環腸草治蠱脹 劄耳草治氣

聾 雲花草一名雲花子狀如麻黃治馬疥 野芎草

治痞滿 織霞草治元臟虛冷氣攻臍腹痛 牛脂芳

治七孔出血 鴨脚青治疗瘡 天仙蓮搗葉傅惡毒

瘡癬 雙頭蓮一名催生草婦人產難左手把之即出

主腫脹 豬藍子一名通耳治耳內有膿 天芥菜生

平野小葉如芥狀一名雞痾黏傅蛇傷 佛掌花根治

疔瘡 郭公刺一名光骨刺取葉搗傅天泡瘡根治哮喘

喘 籩箕柴生山中取皮煎服治癩瘡 碎米柴治癰

疽發背 羊屎柴生山野葉類鶴虱四月開紅白花結  
子如羊屎狀名鐵草子根可毒魚 山枇杷柴取皮傳  
湯火傷 三角風一名三角尖取石上者尤良主風濕  
腫毒 葉下紅滴汁治飛絲入目腫毒 滿江紅主癰  
疽 隔山消出太和山白色治腹脹 石見穿治骨痛  
大風癰腫 墓頭回治崩中赤白帶下 羊茅羊喜食  
之故名治喉痺腫痛 木天蓼有三種其樹高而味辛  
如蓼故名所在皆有生山谷中出安州申州者作藤蔓  
葉似枳花白子如棗許無定形中瓢似茄子江南淮南  
山中亦有之出山南鳳州者樹高如冬青不凋出信陽

者木高二三丈三四月花似柘子作毬形似檉麻可作  
果食可為燭芽亦可食味辛有毒治癥結風勞又有小  
天蓼生天目山四明山樹如卮子冬月不凋野獸食之  
三天蓼俱能逐風而小者為勝以上見本草綱目  
阿兒只出西域狀如苦參主損傷魚鼠瘡 阿息兒出西  
域狀如地骨皮治產後胞不下及金瘡 奴哥撒兒出  
西域狀如桔梗治金瘡及腸與筋斷者嚼爛傅之自續  
以上見西域記

柵木生廣南山野其樹如桑味苦溫主霍亂吐瀉 乾陀  
木生西國彼人用染僧褐故名乾陀褐色也樹大皮厚



葉如櫻桃安南亦有味溫平主癥瘕止嘔以上見海藥  
本草

接骨木一名木蒴藿所在皆有樹高一二丈體輕虛無心  
斫枝扞之便生葉如陸英花亦相似味甘苦治折傷痰  
瘰見唐本草